

佛藏经

姚秦三藏法师鸠摩罗什译



南無本師釋迦牟尼佛

说明

本简体校正版《佛藏经》电子书，根据《乾隆大藏经》大乘律部，第 1090 部，姚秦三藏法师鸠摩罗什译《佛藏经》原藏影印本校正，句读及注音仅供参考。

本电子书是免费结缘品。特此说明。

仁慧草堂

二〇一九年十二月



扫码关注仁慧草堂微信公众号

目录

起诵仪	- 1 -
香赞	- 1 -
净口业真言	- 1 -
净三业真言	- 1 -
安土地真言	- 1 -
普供养真言	- 2 -
开经偈	- 2 -
佛藏经卷第一	- 3 -
诸法实相品第一	- 3 -
念佛品第二	- 10 -
念法品第三	- 16 -
念僧品第四	- 20 -
佛藏经卷第二	- 30 -
净戒品第五	- 30 -
佛藏经卷第三	- 52 -
净法品第六	- 52 -
往古品第七	- 59 -
净见品第八	- 69 -
佛藏经卷第四	- 84 -
了戒品第九	- 84 -
嘱累品第十	- 96 -
结诵仪	- 108 -
补阙真言	- 108 -
补阙圆满真言	- 108 -
普回向真言	- 108 -
礼佛发愿文	- 109 -
回向偈	- 110 -
三皈依	- 111 -

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛藏经卷第一¹

姚秦三藏法师鸠摩罗什译²

诸法实相品第一

如是我闻：

一时，佛住王舍城耆闍崛山中，与大比丘僧俱，皆是众所知识，及无边大菩萨摩訶萨众，无量无数。

尔时，舍利弗从三昧起，行诣佛所，偏袒右肩，头面作礼，白佛言：“希有！世尊！如来所说一切诸法无生无灭、无相无为，令人信解。”

佛告舍利弗：“汝见何利叹言希有，如来所说一切诸法无生无灭、无相无为，令人信解？”

舍利弗白佛言：“世尊！我在静处每作是念：‘世尊乃于无名相法以名相说，无语言法以语言说。’思惟是事生希有心。”

佛告舍利弗：“如是！如是！是事希有！第一希有！谓是诸佛阿耨多罗三藐三菩提。舍利弗，如³巧画⁴师，画于虚空现种种色相。于意云何，

¹ 丽藏：佛藏经卷上（奉入龙华经一名选择诸法）

² 丽藏：姚秦龟兹三藏鸠摩罗什译

³ 丽藏：譬如；永乐北藏及龙藏：如

⁴ 丽藏：画；永乐北藏：画；龙藏：尽；校勘：画

是画师者为希有不？”

“希有！世尊！”

“舍利弗，如来所得阿耨多罗三藐三菩提，说一切法无生无灭、无相无为，令人信解，倍为希有。所以者何？无名相法，无念无得，亦无有修，不可思议，非心所依，无有戏论，非是戏论所可依止；无觉无观，无有所摄，不在于心，非得所得，无此无彼，无有分别，无动无静⁵，本来自空，不可念，不可出，一切世间所不能信，如是无名相法以名相说。如是，舍利弗，一切诸法无生无灭、无相无为，令人信解，倍为希有。

“舍利弗，譬如有人，嚼咽须弥能令消尽，飞行虚空不以为患，于意云何，为希有不？”

“希有！世尊！”

“舍利弗，诸佛所说一切诸法无生无灭、无相无为，令人信解，倍为希有。舍利弗，譬如火城，纵广深浅各一由旬，四门出焰，人负干草于中而过，猛风吹焰烧博⁶其身，是人能令火不烧草及不烧身，于中得出如本不⁷异。于意云何，为希有不？”

⁵ 丽藏：性；永乐北藏及龙藏：静

⁶ 丽藏：爆；永乐北藏及龙藏：博

⁷ 丽藏：无；永乐北藏及龙藏：不

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，譬如有人，以石为棧，从海此岸度至彼岸。于意云何，为希有不？”

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，譬如有人，负四天下及诸须弥、山河草木，以蚊脚为梯⁸，至于梵天。于意云何，为希有不？”

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，譬如藕丝，悬须弥山在于虚空。于意云何，为希有不？”

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，譬如劫尽大火烧时，人以一唾能灭此火，又以一吹还成世界及诸天宫。于意云何，为希有不？”

“希有！世尊！”

“舍利弗，如来所说一切诸法无生无灭、无

⁸ 丽藏：登至；永乐北藏及龙藏：陞，至于

相无为，令人信解，倍为希有。舍利弗，恒河广大，为无量不？”

“如是。世尊！”

“舍利弗，四天下中，普雨大雨，滴⁹如恒河，有人以手承此雨滴¹⁰，无所遗落。于意云何，为希有不？”

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，须弥山王为高大不？”

“高大。世尊！”

“舍利弗，四天下中，普雨大石皆如须弥，有人以手承接此石，无有遗落如芥子者。于意云何，为希有不？”

“希有！世尊！”

“舍利弗，如来所说一切诸法无生无灭、无相无为，令人信解，倍为希有。舍利弗，譬如有人，以一切众生置左手中，右手接举三千世界山河草木，皆能令是一切众生同心喜乐其意不异。于意云何，为希有不？”

“希有！世尊！”

⁹ 丽藏：滴；永乐北藏及龙藏：滴

¹⁰ 丽藏：滴；永乐北藏及龙藏：滴

“舍利弗，如来所说一切诸法无生无灭、无相无为，令人信解，倍为希有。”

“舍利弗，如来所说诸法无性、空无所有，一切世间所难信解。何以故？舍利弗，是法无相¹¹离诸相¹²、无念离诸念、无取无舍、无戏论无恼热，非此岸非彼岸非陆地、非痴非明，以无量智乃可得解，非以思量所能得知。无行无相、无有恼热、无念过诸念、无心过诸心、无向无背、无缚无解、无妄无妄法、无痴无痴法、无有疑¹³网、无名无言、无说无不说、无尽无不尽、无行无行相、无道无道果、无离过诸离、无思惟无亲疏¹⁴，不取不舍，无得不可得。除诸谛¹⁵、除贪恚痴，非实非虚妄、非常非无常、非明非不明、非暗非照，不在心，无有性，性本空。能降伏魔、降伏烦恼、降伏五阴、降伏十二入、降伏十八界、降伏说有五阴者、降伏说有十二入者、降伏说有十八界相¹⁶者，降伏说有众生者、说有人者、说有寿者、说有命者、说有有者、说有无者，降伏一切诸邪行者。

¹¹ 丽藏：想；永乐北藏及龙藏：相

¹² 丽藏：想；永乐北藏及龙藏：相

¹³ 丽藏：痴；永乐北藏及龙藏：疑

¹⁴ 丽藏：杂糅；永乐北藏及龙藏：亲疏

¹⁵ 丽藏：滞着；永乐北藏及龙藏：谛

¹⁶ 丽藏：界；永乐北藏及龙藏：界相

“舍利弗，我此圣法，皆能降伏一切贪著，乃至说有法者、不信乐诸法如实相者、逆佛法者。所以者何？舍利弗，若有众生说我者、说人者、说众生者、说断灭者、说常者、说有者、说无者、说法¹⁷者、说假名者、说边者，皆违逆佛，与佛共诤。舍利弗，乃至于法少计¹⁸得者，皆与佛诤；与佛诤者皆入邪道，非我弟子；若非我弟子，即与涅槃共诤、与佛共诤、与法共诤、与僧共诤。

“舍利弗，如是见人，我则不听出家受戒。舍利弗，如是见人，我则不听受一饮水以自供养。

“舍利弗，若人除舍如是不善贪著事者，于我法中出家求道，不念涅槃，不以涅槃为念、不贪涅槃，于毕竟空法，不惊不畏，是人尚为断诸法故勤行精进，何况如是不善贪著，谓著我、著众生、著人、著法。是人为断诸贪著故，但勤修习无相三昧，于无相三昧亦不取相，是人通达一切诸相¹⁹皆是一相，所谓无相。

“舍利弗，是则名为于圣法中柔顺法忍。得是柔顺法忍，乃名是我弟子，能消供养不空受身。所以者何？舍利弗，我是真实相法，不可入、不

¹⁷ 丽藏：诸法；永乐北藏及龙藏：法

¹⁸ 丽藏：许；永乐北藏及龙藏：计

¹⁹ 丽藏：法相；永乐北藏及龙藏：相

可取、不可舍、不可贪、不可说，断言说²⁰道。无欢无喜断贪喜心，非众缘合离众因缘，无道断道至于无道，断诸语言、论议、音声，无形无色、无取无著无用、无实无妄、无暗无明、无坏无诤、无合无散、无动无念、无有分别，不可得示。非垢非净、非名非相、非心数法、非心所解。我此法中无男无女、无天无龙、无夜叉、无乾闥婆、无鸠槃荼、无毗舍阁、无断无常、无我无众生无人、无来无去、无出无入、无戒无犯、无净无垢、无有三昧、无定无定根、无禅无禅根、无知无见、无贪无诤、无道无道果、无慧无慧根、无明无非明、无解脱无非解脱、无果无得果、无力无²¹非力、无所畏无无所畏、无念无念根、无坐无行无有威仪、无此无彼、无忆想分别、无菩提无菩提分、无智无非智、无地无水无火无风、无罪无福、无法无非法、无苦无乐，拔诸一切戏论根本，一切永离，令²²而无相²³。

“舍利弗，举要言之。我法悉破一切诸念、一切诸见、一切诸结、诸增上慢；不念一切诸所忆念，除断一切种种语言。我是法中无常无无常、

²⁰ 丽藏：语言；永乐北藏及龙藏：言说

²¹ 丽藏：无力；永乐北藏及龙藏：力无

²² 丽藏：冷；永乐北藏及龙藏：令

²³ 丽藏：烟；永乐北藏及龙藏：相

无苦无乐、无垢无净、无断无常、无我无众生、无人无寿者无命者、无生无灭。何以故？舍利弗，如来于法都无所得有所灭，故名为涅槃，亦不见有得涅槃者。

“舍利弗，佛亦不念涅槃，不以涅槃为念，亦不贪著涅槃。是故当知，是为第一奇特希有，所谓如来说一切法无生无灭、无相无为，令人信解，倍为希有。”

念佛品第二

尔时，舍利弗白佛言：“世尊！于此法中云何为恶知识？云何为善知识？”

佛告舍利弗：“若有比丘教余比丘：‘比丘，汝当念佛、念法、念僧、念戒、念施、念天。比丘，汝当观身，取是身相，所谓不净；当观一切诸有为法，皆悉无常；观一切法空、无有我。比丘，汝当以²⁴所缘相系心缘中，专念空相，当乐善法；当取不善法相，取不善法相已，为令断故观念修习，谓为断贪欲观不净相，为断瞋恚观慈心相，为断愚痴观因缘法；常念净戒，深取空相，勤行精进；为得四禅，专心求道，观不善法皆是

²⁴ 丽藏：取；永乐北藏及龙藏：以

衰恼，观于善法最是安隐，一心修道，分别谛观善、不善法，谛取相已，一心思惟²⁵观涅槃安隐寂灭，唯爱涅槃毕竟清净。’如是教者名为邪教，谓是正教而是邪教。舍利弗，如是教者名恶知识。是人名为诽谤于我，助于外道，亦为他人说邪道法。舍利弗，如是恶人，我乃不听受一饮水以自供养，我说教者不说受者。舍利弗，于我法中多有如是增上慢教。

“舍利弗，若受教者受戒五岁，不能悉舍如是所教，于是教中勤心精进，自有得无所有比丘，不往请²⁶问。我说此人，虽有五岁，犹名邪见，杂外道法顺行魔事²⁷。

“舍利弗，若有比丘受是教已，闻空无所得法即自觉知，我先受者皆是邪见，于空无所得法无疑无悔，深入通达，不依一切我见、人见。舍利弗，我说此人名²⁸为清净梵行。

“舍利弗，若有比丘成就如是无所得忍，虽现未得无余涅槃，我记是人，弥勒佛时当在初会。时，弥勒佛欢喜三唱：‘是人能于释迦牟尼佛法中，成就无所得忍。’舍利弗，若在家出家成就

²⁵ 丽藏：唯；永乐北藏及龙藏：一心思惟

²⁶ 丽藏：咨；永乐北藏及龙藏：请

²⁷ 丽藏：教；永乐北藏及龙藏：事

²⁸ 丽藏：为得；永乐北藏及龙藏：为

此忍，我说²⁹是人必得涅槃。

“舍利弗，若有人受如是教已，闻空无所得法即时惊畏，是人可愍，无有救者，无有依者，直趣地狱。何以故？舍利弗，于佛教中惊疑畏者，是人则为具足恶道。所以者何？我常自说，有所得者是恶道分。何以故？舍利弗，佛所得法无有差别是与非是，若可差别，是有所得。

“舍利弗，人宁成就五逆重罪³⁰，不成就我见、众生见、人见、寿见、命见、阴入界见、贪著持戒著持戒见、贪著三昧著三昧见、依于佛相³¹得于法相³²、于僧断事成就身见。何以故？于佛法中成就身见不在僧数。舍利弗，佛弟子众心无分别。舍利弗，佛弟子众无不善者、无破戒者、无破见者、无破威仪者。

“舍利弗，何等为恶不善？”

佛告舍利弗：“于³³佛法³⁴中不在僧数，名恶不善。谓心心数法与诸缘合，无真实事但作分别，以分别故计有所得。是人乃至所有说言³⁵，心心相续，乃至善、不善法于圣法中名恶不善。何以

²⁹ 丽藏：记；永乐北藏及龙藏：说

³⁰ 丽藏：恶；永乐北藏及龙藏：罪

³¹ 丽藏：想；永乐北藏及龙藏：相

³² 丽藏：想；永乐北藏及龙藏：相

³³ 丽藏：于；永乐北藏及龙藏：佛告舍利弗：“于

³⁴ 丽藏：众；永乐北藏及龙藏：法

³⁵ 丽藏：言说；永乐北藏及龙藏：说言

故？舍利弗，所有乐处中必有苦，如来法者灭是苦乐。

“舍利弗，如来所得，是中无欲亦无非欲、无乐无苦、无思无想无修，乃至亦无空相³⁶。何以故？舍利弗，若计空相³⁷，即是我相³⁸、众生相³⁹者，是常相⁴⁰者，是断相⁴¹者。何以故？舍利弗，随所有想则生诸相⁴²，是皆堕邪。

“舍利弗，空名无念，是名为空；空念亦空，是名为空。舍利弗，空中无善无恶，乃至亦无空相⁴³，是故名空。舍利弗，诸有为法可知可解，空非可知、亦非可解、非可思量，是故名空。舍利弗，空相⁴⁴非念得。何以故？空无相⁴⁵故，是故名空。

“舍利弗，何故说行空行？”

佛告舍利弗：“不⁴⁶念一切诸相⁴⁷，乃至空相⁴⁸亦复不念，是名空行。

³⁶ 丽藏：想；永乐北藏及龙藏：相

³⁷ 丽藏：想；永乐北藏及龙藏：相

³⁸ 丽藏：想；永乐北藏及龙藏：相

³⁹ 丽藏：想；永乐北藏及龙藏：相

⁴⁰ 丽藏：想；永乐北藏及龙藏：相

⁴¹ 丽藏：想；永乐北藏及龙藏：相

⁴² 丽藏：想；永乐北藏及龙藏：相

⁴³ 丽藏：想；永乐北藏及龙藏：相

⁴⁴ 丽藏：空；永乐北藏及龙藏：空相

⁴⁵ 丽藏：想；永乐北藏及龙藏：相

⁴⁶ 丽藏：不；永乐北藏及龙藏：佛告舍利弗：“不

⁴⁷ 丽藏：想；永乐北藏及龙藏：相

⁴⁸ 丽藏：想；永乐北藏及龙藏：相

“舍利弗，相⁴⁹名乃至心有所念，即名为想。无所念者乃名无想，离诸想故名为无想。随所取想，皆是邪见。何以故？舍利弗，于圣法中计得寂灭，皆堕邪见！何况言说？何况说者？如是空法以何可说？

“舍利弗，诸佛何故说诸语言皆名为邪？”

佛告舍利弗：“不⁵⁰能通达一切法者，是则皆为言说所覆，是故如来知诸语言皆为是邪，乃至少有语言⁵¹不得其实。

“舍利弗，诸佛阿耨多罗三藐三菩提皆是无相⁵²无念。何以故？如来于法不得体性，亦不得念。

舍利弗言：“如来⁵³何故说有念处？”

佛告舍利弗：“经说⁵⁴若人得四念处，是人能得诸法体性，能得自身、得我、得人，无有是处。示法别相空故，说四念处。四念处性，无性、无处、无念、无说、无有贪著。念性尚无，何况念处？是故如来说名念处。舍利弗，诸法若有决定体性如析毛发百分一者，是则诸佛不出于世，亦

⁴⁹ 丽藏：想；永乐北藏及龙藏：相

⁵⁰ 丽藏：不；永乐北藏及龙藏：佛告舍利弗：“不

⁵¹ 丽藏：言语；永乐北藏及龙藏：语言

⁵² 丽藏：想；永乐北藏及龙藏：相

⁵³ 丽藏：“舍利弗，如来；永乐北藏及龙藏：舍利弗言：“如来

⁵⁴ 丽藏：舍利弗，经说；永乐北藏及龙藏：佛告舍利弗：“经说

终不说诸法性空。舍利弗，诸法实空无性，一相所谓无相，如来悉见，如来以是说有念处。

“舍利弗，念处名为无处、念⁵⁵无非处、无念无念业、无相⁵⁶无分别、无意无意业、无思无思业、无法无法想⁵⁷，皆无合散，是故贤圣名为无分别者，是名念处。如来以是说有念处，随顺念⁵⁸无所有故名为念处；随顺念佛名为念处。

“舍利弗，云何名为念佛？”

佛告舍利弗：“见⁵⁹无所有名为念佛。舍利弗，诸佛无量、不可思议、不可称量，以是义故，见无所有名为念佛。实名无分别，诸佛无分别，以是故言念无分别即是念佛。复次，见诸法实相名为见佛。何等名为诸法实相？所谓诸法毕竟空无所有，以是毕竟空无所有法念佛。复次，如是法中，乃至小念尚不可得，是名念佛。舍利弗，是名⁶⁰念佛法断语言道，过出诸念，不可得念，是名念佛。

“舍利弗，一切诸念皆寂灭相，随顺是法，此则名为修习念佛。不可以色念佛。何以故？念

⁵⁵ 丽藏：处；永乐北藏及龙藏：处、念

⁵⁶ 丽藏：想；永乐北藏及龙藏：相

⁵⁷ 丽藏：相；永乐北藏及龙藏：想

⁵⁸ 丽藏：随顺；永乐北藏及龙藏：随顺念

⁵⁹ 丽藏：见；永乐北藏及龙藏：佛告舍利弗：“见

⁶⁰ 丽藏：是；永乐北藏及龙藏：是名

色取相贪味为识，无形、无色、无缘、无性，是名念佛。是故当知，无有分别，无取无舍，是真念佛。”

念法品第三

尔时，舍利弗白佛言：“世尊！云何为人亦说是法为恶知识？世尊！云何为人亦说是法为善知识？”

佛告舍利弗：“若有比丘教他比丘：‘比丘，汝今当知念佛事空，念所缘处是不应念，汝所念空念亦复空。是无性空能断色相⁶¹，能断取相⁶²。’是人尔时不得无相⁶³，何况于念？是人尔时都无所有，寂灭无性，不集诸相⁶⁴，灭一切法，是则名为修习念佛。念佛名为破善、不善一切觉观，无觉无观、寂然无相⁶⁵名为念佛。何以故？不应以觉观忆念诸佛，无觉无观名为清净念佛。于此念中乃至无有⁶⁶微细心心念业，况身、口业？又念佛者离诸相⁶⁷，诸相⁶⁸不在心，无分别，无名字，

⁶¹ 丽藏：想；永乐北藏及龙藏：相

⁶² 丽藏：想；永乐北藏及龙藏：相

⁶³ 丽藏：想；永乐北藏及龙藏：相

⁶⁴ 丽藏：想；永乐北藏及龙藏：相

⁶⁵ 丽藏：想；永乐北藏及龙藏：相

⁶⁶ 丽藏：乃无；永乐北藏及龙藏：乃至无有

⁶⁷ 丽藏：想；永乐北藏及龙藏：相

⁶⁸ 丽藏：想；永乐北藏及龙藏：相

无障碍，无欲无得，不起觉观。何以故？舍利弗，随所念起一切诸相⁶⁹皆是邪见。

“舍利弗，随无所有、无觉无观、无生无灭，通达是者名为念佛。如是念中，无贪无著、无逆无顺、无名无相⁷⁰。舍利弗，无想无语乃名念佛，是中乃无微细小念，何况粗身、口、意业？无身口意业处、无取无舍⁷¹、无诤无讼、无念无分别，空寂无性，灭诸觉观，是名念佛。

“舍利弗，若人成就如是念者，欲转四天下地，随意能转；亦能降伏百千亿魔，况蔽⁷²无明从虚诞缘起无决定相？是法如是无相⁷³无戏论、无生无灭、不可说不可分别、无暗无明；魔若魔民所不能测，但以世俗言说有所教化，而作是言：

‘汝念佛时莫取小相⁷⁴，莫生戏论，莫有分别。何以故？是法皆空，无有体性，不可念，一相所谓无相，是名真实念佛，所谓无生、无灭、无相⁷⁵。何以故？如来不名为色、不名为相⁷⁶、不名为念、不名分别、不逆不顺、不取不舍、非定非慧、

⁶⁹ 丽藏：想；永乐北藏及龙藏：相

⁷⁰ 丽藏：想；永乐北藏及龙藏：相

⁷¹ 丽藏：舍；永乐北藏及龙藏：摄；校勘：舍

⁷² 丽藏：弊；永乐北藏及龙藏：蔽

⁷³ 丽藏：想；永乐北藏及龙藏：相

⁷⁴ 丽藏：想；永乐北藏及龙藏：相

⁷⁵ 丽藏：无相无为；永乐北藏及龙藏：无相

⁷⁶ 丽藏：想；永乐北藏及龙藏：相

非明非无明。如来不可说、不可思议、无相，汝今莫乐取相，莫乐戏论。佛于诸法无执无著⁷⁷，不见有法可执可著⁷⁸。是人于佛犹尚不得，何况于念？’舍利弗，如是教者名善知识！第一义中无有决定是善知识、是⁷⁹恶知识。

“复次，舍利弗，若有比丘教余比丘：‘比丘，汝当分别观察诸法，亦复莫念法相。’是比丘如是修习，心无系著，则能通达诸法一相所谓无相，是人犹尚不生法相⁸⁰，况我、人相⁸¹？舍利弗，于意云何？念法相⁸²者，是人能灭一切法不？”

“不也。世尊！”

“舍利弗，如树无根，能有枝叶华实⁸³不？”

“不也。世尊！”

“如是，舍利弗，若人不得诸法根本，是人能生诸法相⁸⁴不？”

“不也。世尊！”

“舍利弗，若人不得不念法相⁸⁵，是人能灭一切法不？”

⁷⁷ 丽藏：量；永乐北藏及龙藏：着

⁷⁸ 丽藏：量；永乐北藏及龙藏：着

⁷⁹ 丽藏：是；永乐北藏及龙藏：非；校勘：是

⁸⁰ 丽藏：想；永乐北藏及龙藏：相

⁸¹ 丽藏：想；永乐北藏及龙藏：相

⁸² 丽藏：想；永乐北藏及龙藏：相

⁸³ 丽藏：果实；永乐北藏及龙藏：实

⁸⁴ 丽藏：想；永乐北藏及龙藏：相

⁸⁵ 丽藏：想；永乐北藏及龙藏：相

“不也。世尊！”

“是人不得于法、不得法相、不得于灭，亦不分别无生无灭。是人尔时不生不灭，不名得涅槃者，亦复不名无⁸⁶得涅槃。舍利弗，如是教者名善知识！第一义中无善知识、无恶知识。

“舍利弗，若人成就如是相者，世间希有，得不颠倒真实见故，名⁸⁷为正见。复次，舍利弗，正见者名为正作、正行、正道、正解。无有颠倒，如实而见，是故如来说为⁸⁸正见。舍利弗，若有众生无有颠倒如实观者，则有正见。若生我相⁸⁹、人相⁹⁰、众生相⁹¹者，当知是人皆是邪行。

“舍利弗，佛及弟子不说有我、不说有人、不说众生、不说寿、不说命⁹²、不说断常，是故佛及弟子名为正见。何以故？正观不颠倒故。

“舍利弗，一切凡夫于此事中无能入者。何以故？一切凡夫都无正见，但有随顺正见得柔顺忍，不能如实。舍利弗，是名正见、邪见差别。如实见故名正见。见世乐因增长财利是世间正见，是皆欺诳不免生死。舍利弗，佛说世间正见，

⁸⁶ 丽藏：无；永乐北藏及龙藏：先；校勘：无

⁸⁷ 丽藏：是；永乐北藏及龙藏：名

⁸⁸ 丽藏：名；永乐北藏及龙藏：为

⁸⁹ 丽藏：想；永乐北藏及龙藏：相

⁹⁰ 丽藏：想；永乐北藏及龙藏：相

⁹¹ 丽藏：想；永乐北藏及龙藏：相

⁹² 丽藏：不说寿命；永乐北藏及龙藏：不说寿、不说命

是说懈怠下劣者⁹³法，贤圣不作是念：‘此是正见，此是邪见。’所以者何？一切诸见皆从虚妄缘起。舍利弗，若作是念：‘此是正见。’是人即是邪见。舍利弗，于圣法中拔断一切诸见根本，悉断一切诸言语⁹⁴道，如虚空中手无触碍⁹⁵，诸沙门法皆应如是。”

念僧品第四

舍利弗白佛言：“世尊！何等为圣众？”

佛告舍利弗：“若有⁹⁶人能信解通达一切诸法无生无灭、无起无相，成就是⁹⁷忍尚不得我，况得须陀洹、斯陀含、阿那含、阿罗汉⁹⁸？况复得法？况得男女？何况得道？况得如是等事？是名圣众，是亦不得。

“复次，舍利弗，众生少能信解无生、无灭、无相法者，若能信解无生、无灭、无相法者，心无颠倒，共相知解，以法和合不受后有，知诸世间但从虚妄缘起。是人则更不住是身，以是因缘说名圣众。是人于是语言亦复不得，谓诸名相但

⁹³ 丽藏：者；永乐北藏及龙藏：之；校勘：者

⁹⁴ 丽藏：语言；永乐北藏及龙藏：言语

⁹⁵ 丽藏：阂；永乐北藏及龙藏：碍

⁹⁶ 丽藏：“舍利弗，若有；永乐北藏及龙藏：佛告舍利弗：“若有

⁹⁷ 丽藏：如是；永乐北藏及龙藏：是

⁹⁸ 丽藏：况得阿罗汉；永乐北藏及龙藏：阿罗汉

集无相无戏论事，是名僧宝，应受供养，得无颠倒真实义故。是人以是方便念僧，是事亦空。舍利弗，如是教者名善知识。

“舍利弗，断一切语言道名为圣众。何以故？于圣法中所因语言说真实义，如是语言亦不可得，是故当知断诸语言名为圣众。

“舍利弗，或有人言：‘于此法⁹⁹中无有言说、无有定者，何名为僧？’舍利弗，我于此法¹⁰⁰中有如是答：‘众僧名为示如事实，此事决定亦不可得，俱同一学一忍一味，是事亦以世俗语故说，非第一义。第一义中无有定实名为僧法常不坏者。’圣人若说言有是法，是即为污。所以者何？若人作是分别，是男是女、是天是龙、是夜叉是乾闥婆是鸠槃荼¹⁰¹、是法是非法。作是分别已，得种种事，得种种事故作是言：‘是坐是卧，是行是住。’圣人得诸法实相故，亦不分别是男是女、是天是龙，乃至是法是非法。不分别故，不得种种法。不得种种法者，能作是说，是坐是卧、是行是住不？”

“不也。世尊！”

⁹⁹ 丽藏：若于此；永乐北藏及龙藏：于此法

¹⁰⁰ 丽藏：此；永乐北藏及龙藏：此法

¹⁰¹ 丽藏：荼；永乐北藏及龙藏：茶

“舍利弗，若人言：是男是女、是天是龙，乃至是法是非法。是人所说非虚妄耶？”

“虚妄。世尊！”

“舍利弗，若不入是虚妄者，名为圣众。不颠倒故，名为圣众。舍利弗，所有不善、所有可知、所有可得，如是一切诸不善法，皆以名相为本。此贤圣法中断诸名相。又，不念名相、不得名相，云何当言是圣是众？断诸名相名为圣众。若有法处可破可断，贤圣法中无名无相无有语言，断诸语言无有合散；若言无僧则破圣众，是亦不得。所谓名相虚妄想故，著种种邪见，因是邪见更受后身，贪著诸见则五阴生。舍利弗，五阴皆是虚妄贪著，是名恶道，是名邪道¹⁰²。贤圣众者无有此事，但知虚妄缘故起于三界，知是事故名为圣众。

“舍利弗，凡所有见，于圣众中皆不可得，谓：我见、众生见、寿命见、人见、男见、女见、天见、地狱见、畜生见、饿鬼见、阴入界见、贝声见、鼓声见、地声见、水火风声见、持戒声见、毁戒声见、正道声见、邪道声见；垢声净声，禅定三昧八圣道声，须陀洹果、斯陀含果、阿那含

¹⁰² 丽藏：见；永乐北藏及龙藏：道

果、阿罗汉果声见；解脱声见、得果声见、佛声见、法声见、僧声见、灭声见、涅槃声见。舍利弗，是名虚妄音声等见。贤圣众者，于第一义不得是见，通达种种音声一相，所谓无相，无违无诤成就不颠倒法忍故，名为圣众。

“舍利弗，是不颠倒法忍即是无相。无相故无取无舍、无逆无顺、无生无灭，是中自然归灭。无修无坏、无起无得，不分别此彼故，心常舍离。所以者何？于是忍中无此岸无彼岸、无分别无非分别，通达无相成就是忍名为圣众，破和合故名为圣众。

“舍利弗，我余经说：‘若人见法是为见我，如来非法亦非非法。’何以故？调达愚人及诸外道，皆以色身见佛。舍利弗，如来不应以色身见，亦复不应以音声见。舍利弗，若人以色身见佛，是去佛远。所以者何？佛不名色、不名为见¹⁰³，名为见佛。舍利弗，若人能见诸法无相、无名无触、无忆无念、无生无灭、无有戏论；不念一切法、不念涅槃、不以涅槃为念、不贪涅槃，信解诸法皆是一相所谓无相。舍利弗，是名真见佛。谓一切法无求、无戏论、无生，于此事中亦不念、

¹⁰³ 丽藏：见色；永乐北藏及龙藏：色、不名为见

不分别，是名见佛。若有诸人¹⁰⁴于此法中无忆想分别¹⁰⁵、无取无舍、无贪无违、无相¹⁰⁶无相¹⁰⁷业，不贪言说，知法假名，皆无所有，断语言道，无有差别，亦无戏论，是名无生无相¹⁰⁸行者，于世界¹⁰⁹中名为圣众。

“舍利弗，见何法故名为见佛？所谓无相¹¹⁰、无分别、无戏论，不受一切法者¹¹¹。若以空门、若寂灭门、若离门，不念见，不得见；是事亦不得，所谓名字；是处亦不得，所谓涅槃。何以故？舍利弗，我尚不念涅槃，云何当说汝等当念涅槃、当得涅槃？舍利弗，若人得涅槃者，是人随如来出家，随六师出家。舍利弗，当知是人为是法贼入我法中；当知是人污辱我法；当知是人为是大贼，如大城邑中有大贼。所以者何？如是痴人尚不得涅槃，何况我、人？舍利弗，如是痴人我以手遮，非我弟子，不入众数，我非彼师。舍利弗，若知诸法无生无灭、无念无相¹¹²，得是法忍者尚不得涅槃，何况我、人？舍利弗，佛亦说言

¹⁰⁴ 丽藏：人；永乐北藏及龙藏：诸人

¹⁰⁵ 丽藏：别；永乐北藏及龙藏：于；校勘：别

¹⁰⁶ 丽藏：想；永乐北藏及龙藏：相

¹⁰⁷ 丽藏：想；永乐北藏及龙藏：相

¹⁰⁸ 丽藏：想；永乐北藏及龙藏：相

¹⁰⁹ 丽藏：间；永乐北藏及龙藏：界

¹¹⁰ 丽藏：想；永乐北藏及龙藏：相

¹¹¹ 丽藏：法；永乐北藏及龙藏：法者

¹¹² 丽藏：想；永乐北藏及龙藏：相

如是人者¹¹³名为见法，能见是事名为见佛。

“舍利弗，云何名为如来¹¹⁴？”

佛告舍利弗：“一切¹¹⁵法如不异不坏，是名如来。若人于是法中，无有疑悔，是名圣众。

“舍利弗，过去世中，有一痴人不识猕猴，入一大林见猕猴群丛聚一处，是人曾闻有忉利天，便谓为是忉利诸天。即出树林还本聚落，多人众中作如是言：‘汝等曾见忉利天不？’众人答言：‘未曾见也。’即时语言：‘我已得见。汝欲见不？’皆言：‘欲见。’即将大众诣彼林中，示猕猴群：‘汝等观此忉利诸天。’众人皆言：‘非忉利天，此是猕猴，乐住林中。汝痴倒故，不识猕猴，又亦不识忉利诸天。’舍利弗，是人空将大众诣彼林中。

“如是舍利弗，于未来世当有比丘至白衣家作如是¹¹⁶言：‘汝欲见佛圣众，听佛法不？’中有白衣信佛法者皆言：‘欲见听受佛法。’舍利弗，中有白衣贪乐语言入于塔寺，有诸比丘好于言说能通诸经，依止语言乐于文饰，是诸沙门随顺为

¹¹³ 丽藏：佛说如是；永乐北藏及龙藏：佛亦说言如是人者

¹¹⁴ 丽藏：佛；永乐北藏及龙藏：如来

¹¹⁵ 丽藏：一切；永乐北藏及龙藏：佛告舍利弗：佛告舍利弗：“一切

¹¹⁶ 丽藏：是；永乐北藏及龙藏：如是

说，谓是真道，但充众数如牧¹¹⁷牛人；俱¹¹⁸乐读经，不入真际；但悦人意，贵于名利，善巧世事，不净说法；但能巧语，行世间道，无有威德，破涅槃因，舍圣默然、不乐禅定，昼夜常好谈论诤讼，卧厚被褥，尚无一念随顺禅定，何况能得成沙门果？是人睡眠常与俗心相应，初夜后夜不修顺忍，乐于下法；是人亦多得供养衣服饮食。何以故？是人常为恶魔所摄，乐浅近语，于第一义不能勤学，不能诵持第一深经，闻则惊畏，舍于淳浓而取糟粕。有诸凡夫见得利养，生贪著心作是念言：‘我等亦当习是言论。’舍利弗，是人舍于无上法宝堕在邪见，是沙门旃陀罗。有诸白衣往诣其所，如此恶人而为说法，以利养故称赞于佛及法与僧，但求活命为财奴仆，贪重衣食赞己所乐：‘若行布施得生天上。’于佛法中，施为下法，赞以为最，而作是言：‘大施因缘，得生天上。’不知语言，不解义趣，但知初入浅近下法，贪著我、人，舍第一义。

“舍利弗，如是说法，或时有人生信出家，与诸恶人而共和合，不能勤求第一深义。有所得者说有我、人、寿者、命者，忆想分别无所有法，

¹¹⁷ 丽藏：放；永乐北藏及龙藏：牧

¹¹⁸ 丽藏：但；永乐北藏及龙藏：俱

于阿毗昙、修妬路中自为议论，或说断常、或说有作、或说无作。

“舍利弗，我法尔时多外道法，令诸众生正见心坏。如是，舍利弗，我清净法以是因缘渐渐灭尽。舍利弗，我久在生死受诸苦恼所成菩提，是诸恶人尔时毁坏。舍利弗，若有比丘不能舍是有所得见、我见、人见，不解如来随宜所说，而言决定有我、人法。如是之人，我则不听受一饮水。或时是人得闻空法，信心清净而不惊疑，即便还应导引众人入实相义，便应出家受具足戒。何以故？舍利弗，若人不舍如是见者，是名外道。

“舍利弗，我以此世¹¹⁹俗因缘假说有我，非第一义。若有人言：‘我亦复以世俗因缘而说有我。’是人若能通达无生、无灭、无相之法，与我所说不相违者，是我弟子。舍利弗，若有人言：‘如来何故随世因缘，于无我法而说有我¹²⁰？如来不应为世间故作不实语。又诸经中多说有我¹²¹，佛所说者不应虚也？’舍利弗，应答是人：‘佛说诸法皆空寂¹²²，无主无性，但是虚妄，非第一义。如来不以第一义故，说有我、人。’圣人言

¹¹⁹ 丽藏：世；永乐北藏及龙藏：此世

¹²⁰ 丽藏：人；永乐北藏及龙藏：我

¹²¹ 丽藏：人；永乐北藏及龙藏：我

¹²² 丽藏：空；永乐北藏及龙藏：空寂

说无所贪著，无智慧人无与佛等，亦无过者。

“舍利弗，如来智慧不可思议，以是智慧知众生心，宁当有人与佛等者？佛为天¹²³龙大法之王，不应难言：‘佛说有人。’一切世间常共我诤，我常不与世间共诤。

“舍利弗，说有我者，甚可哀愍¹²⁴！此中无法，亦无有我。多有众生不解如来随宜所说，违逆法宝多堕恶趣。舍利弗，我知邪见而不为邪见，知¹²⁵邪见者即是正见。舍利弗，邪见终不变作正见。见不知见。

“舍利弗，诸佛如来阿耨多罗三藐三菩提，一切世间所难得信。我于诸天一切世间，是最可信，非不可信。舍利弗，我所说法为至彼岸，是中亦无至彼岸者；我所说法为尽诸行，是中亦无尽诸行者；我所说法为寂灭故，是中亦无有寂灭者；我所说法为灭度故，是中亦无有灭度者；我所说法为解脱故，是中亦无有解脱者；我所说法为诸智故，是中亦无有诸智者；我所说法为净垢故，是中亦无有净垢者。舍利弗，如来为天说法亦无有天；为人说法亦无有人；为众生说法亦无

¹²³ 丽藏：大；永乐北藏及龙藏：天

¹²⁴ 丽藏：愍；永乐北藏及龙藏：愍

¹²⁵ 丽藏：能知；永乐北藏及龙藏：知

有众生。舍利弗，如来说明及与解脱，是中无明及与解脱。我说念佛，佛不可念；我说空行，空不可行，亦不可念。舍利弗，是名如来所说经法章句。是中无有说者，诸恶人等得此章句为他人说，亦复以我为师，无有如来圣众功德，而自为僧数。舍利弗，譬如猕猴群不似忉利天；如是众恶人，不似我圣众。舍利弗，是诸恶人，但以音声语言，自谓沙门，似如痴人见猕猴群谓忉利天。

“舍利弗，中有出家人喜乐问难，得值善师，为说名色寂灭、语言道断，无起无失，通达无相。得闻如是无生、无灭、无相之法，不惊不畏¹²⁶者，当知是人已曾供养无量诸佛，能知我法，可名圣众。”

佛藏经卷第一

¹²⁶ 丽藏：畏；永乐北藏及龙藏：不畏

佛藏经卷第二

姚秦三藏法师鸠摩罗什译

净戒品第五¹²⁷

佛告舍利弗：“破戒比丘有十忧恼箭，难可堪忍。比丘成就十忧恼箭，则于佛法不得滋味，憎说法者，不乐亲近。

“何等为十？舍利弗，破戒比丘见僧和合不生喜心。何以故？和合布萨必驱我出。是恶比丘自知有过常怀忧恼，于持戒者瞋恨不喜。舍利弗，是名破戒比丘初忧恼箭，必堕恶道。

“复次，舍利弗，破戒比丘众所憎恶不欲亲近，如恶牛利角人所舍远，是恶比丘自知有过常怀¹²⁸忧恼。舍利弗，是名破戒比丘二忧恼箭，必堕恶道。

“复次，舍利弗，破戒比丘逢¹²⁹见比丘众，自知不同，恶心舍离，怀愧耻故不能入众。舍利弗，是名破戒比丘三忧恼箭，必堕恶道。

“复次，舍利弗，破戒比丘毒恶心盛不可化

¹²⁷ 丽藏：净戒品第五之一

¹²⁸ 丽藏：怀；永乐北藏及龙藏：怀疑；校勘：怀

¹²⁹ 丽藏：逢；永乐北藏及龙藏：遥；校勘：逢

喻，犹尚无有外道戒法，况于净戒？以其破戒因缘，人不亲近。舍利弗，是名破戒比丘四忧恼箭，必堕恶道。

“复次，舍利弗，破戒比丘以他财物自养其身，我说此人为重担者。所以者何？行者、得者应受供养，破戒比丘非是行者、非是得者。是故，舍利弗，破戒比丘当于百千万亿¹³⁰劫数，割截身肉以偿施主，若生畜生身常负重。所以者何？如析一发为千亿分，破戒比丘尚不能消一分供养，况能消他衣服、饮食、卧具、医药？舍利弗，破戒比丘著圣法服，犹尚不应入寺一步，何况得受一饮之水，乃至床榻？何以故？舍利弗，如是恶人，于天人中是为大贼，一切世间皆应远离。舍利弗，是败坏人即是怨家。如来悉听一切世间皆至我所，破戒之人如来手遮，非我弟子，何况一日住我法中？舍利弗，譬如死人、死蛇、死狗最为臭秽，清净诸天欲游戏时，不应得见，若见则远。如是，舍利弗，破戒比丘如彼三尸臭秽不净，智者远离，不与同事布萨自恣。舍利弗，破戒比丘于我法中为是不吉，持戒比丘见此破戒即时远离。何以故？若破戒比丘手所触物及所受物，于

¹³⁰ 丽藏：亿万；永乐北藏及龙藏：万亿

持戒者则为毒恶。舍利弗，正使三尸臭秽满地，我能于中行四威仪，不能与此破戒比丘须臾共住。何以故？舍利弗，是为沙门中卑陋下贱；为沙门中朽坏弊恶；为沙门中粃糠；为沙门中垢；为沙门中浊；为沙门中污；为沙门中曲；为沙门中粗；为沙门中失圣道者。如是等人¹³¹，于我法中出家求道而得重罪。舍利弗，如是之人，于我法中，为是逆贼，为是法贼，为是欺诳诈伪之人，但求活命贪重衣食，是则名为世乐奴仆。舍利弗，譬如黄门非男非女，破戒比丘亦复如是，不名在家，不名出家，命终之后直入地狱。舍利弗，譬如蝙蝠欲捕鸟时则入穴为鼠，欲捕鼠时则飞空为鸟，而实无有鼠¹³²鸟之用，其身臭秽但乐暗冥。舍利弗，破戒比丘亦复如是！既不入于布萨自恣，亦复不入王者使役，不名白衣，不名出家，如烧尸残木不复中用。如是比丘，无有戒品、定品、慧品、解脱品、解脱知见品，但有具足破净戒品。不能出大微妙音声、戒声、定声、慧声、解脱声、解脱知见声，但出毁戒弊恶音声，与诸同恶俱出恶声。但论衣服、饮食、床卧，受取布施树木华果，为贵人使，及论国土吉凶安危、戏笑众事诸

¹³¹ 丽藏：人等；永乐北藏及龙藏：等人

¹³² 丽藏：大；永乐北藏及龙藏：鼠

不善语，常于日夜，伺求尘染¹³³。比丘如是，身业不净、口业不净、意业不净，当堕地狱。舍利弗，是破戒比丘乐于暗冥，如彼蝙蝠，闻说正经以为烦恼。所以者何？如实说故。世间之人不喜实说但乐顺意，如是比丘于说法者心不清净，重更为罪增益地狱。舍利弗，是名破戒比丘五烦恼箭，必堕地狱。

“复次，舍利弗，破戒比丘无有羞耻，诸根散乱，成就不净身口意业、不净威仪，所著衣服皆不如法，好喜妄语不能护口，心常驰骋染于垢秽。舍利弗，如新瓦器盛以屎尿臭烂脓血，后去不净著栴檀香，复去栴檀，如是瓦器有何等气？”

“世尊！是新瓦器先盛屎尿臭气坚著，唯有臭气无栴檀香。”

“舍利弗，人以清净信等诸根出家学道，遇恶知识而随其教。舍利弗，何等为恶知识？恶知识者，常好调戏轻躁无羞，言语散乱不摄诸根，心不专一痴如白羊。亲近如是恶知识者，失须陀洹果、斯陀含果、阿那含果、阿罗汉果，乃至失于生天之乐，况涅槃道？但能修集破法罪业，与

¹³³ 丽藏：常于日夜，伺求尘染；永乐北藏及龙藏：常于日夜；校勘：常于日夜，伺求尘染

破戒¹³⁴法者而共从事，是人成就不净身业、不净口业、不净意业、不净持戒，身死之后入于恶趣。云何恶趣？恶趣名为地狱、畜生、饿鬼、阿修罗道。复有恶道如阿由勒虫、婆伽罗目呿虫、浮弥修遮迦虫、修脂目迦虫，是人多生此诸虫中。舍利弗，是人随恶知识，若生人中，父母生离死亡丧失，亲里衰恼国土破坏，生八难中舍八乐处；多欲怒痴常好调戏¹³⁵，轻躁无羞言语散乱，不能摄心；痴如白羊，为贪欲、瞋恚、愚痴所坏；聋症盲瞎手脚挛蹇；值¹³⁶恶知识生无佛处。若值佛世，目不喜见，不喜闻法，不与佛众而共和合；起是恶业，恶人共生，乐下劣法，于正见中生邪见想，于邪见中生正见想，是名下欲、下忍、下慧。舍利弗，下慧之人，终不能为厌离灭道涅槃生心。

“舍利弗，遇恶知识而得如是诸衰恼患，有是相貌。是人闻是诸深经法，惊疑怖畏如堕深坑，则堕大罪深坑堑中。何以故？舍利弗，如经中说，破戒比丘有大重罪。何因缘故名为破戒？破所受戒难可教语；行无常准多所违逆；常行贪著多杂

¹³⁴ 丽藏：破；永乐北藏及龙藏：破戒

¹³⁵ 丽藏：戏调；永乐北藏及龙藏：调戏

¹³⁶ 丽藏：共；永乐北藏及龙藏：值

糅行；贪瞋痴行乐诸杂语，名为破戒。复有乐多事务、乐多讽诵、乐多睡眠，所言不顺无有次第，说不清净，贪著我、人、寿者、命者，是故名为弊恶比丘。不知节量、不知沙门法、不知婆罗门法；乐行医术贩卖求利，乐为国使污染诸家，乐与白衣给使作务，以诸树叶华果奉上；好为白衣说外道法，心常舍离出世间法；未满二十受具足戒，受戒事中有诸不具，形体缺少，不应于法受生米谷钱帛金银，不顺教诲拒逆师命；不自知身不知他人，不能分别贵贱差品；好喜妄语贪著¹³⁷取，行事散乱心不专一；面有瞋相，悭贪不信，不识恩义，多怀贪欲、睡眠、¹³⁸调戏、疑悔、瞋恨，覆藏罪恶好自专执，嫉妬谄曲无有¹³⁹惭愧，自大放逸，憍慢我慢，大慢邪慢；好行欺诳赞美其身，多作方便开利养门，陵践白衣¹⁴⁰现亲厚，因势得财以夸众人，毁破戒品、定慧解脱品、解脱知见品；于佛法众心不定信，不信业报贵于现利，谓无后世多诸疑悔，志性浅弱常好惊怖。舍利弗，是名弊恶比丘。

“如是痴人，于我法中便是屎尿，臭秽不净，

¹³⁷ 丽藏：戒；永乐北藏及龙藏：惑

¹³⁸ 丽藏：戏调；永乐北藏及龙藏：调戏

¹³⁹ 丽藏：所；永乐北藏及龙藏：有

¹⁴⁰ 丽藏：伪；永乐北藏及龙藏：为；校勘：伪

是人成就身口意恶¹⁴¹命不清净故，命终之后堕在恶道，入大地狱。如是比丘，诸佛如来及弟子众，常所远离，余好道者、求灭度者亦皆不近。舍利弗，譬如栴檀置不净器，同于不净不复任用。如是，舍利弗，若在家、出家亲近是人，习效所行，亦破戒品，不久同恶，颜色毁悴，破失威仪，命终之后，生地狱中。舍利弗，如是恶人，诸佛如来及弟子众，并余求道好灭度者，皆所远离。舍利弗，譬如栴檀置不净器，不复任用。如是，舍利弗，若在家、出家虽以涂身，犹杂不净。舍利弗，此恶比丘亦复如是，虽坐众中著圣法服，然是比丘恶相犹现；梵行比丘见此不净，远而不近；**而见**¹⁴²他远离心则瞋恨，以是因缘死入地狱。舍利弗，是名破戒比丘六忧恼箭，必堕地狱。

“复次，舍利弗，破戒比丘闻佛所说如是等经，心不清净、欢喜、信乐，自知有过便疑此经：‘为我等说不为余人。何以故？如我等比丘**有**¹⁴³此事故。’舍利弗，如是上妙无比之法，破戒比丘乃生瞋恨，于说法者心多不信，得闻如是佛所说经，违逆不受，而作是**语**¹⁴⁴：‘此非佛说！’教

¹⁴¹ 丽藏：业；永乐北藏及龙藏：恶

¹⁴² 丽藏：见；永乐北藏及龙藏：而见

¹⁴³ 丽藏：在；永乐北藏及龙藏：有

¹⁴⁴ 丽藏：语；永乐北藏及龙藏：言

语余人。何以故？破戒比丘不乐修道，修道比丘不逆佛语。此皆破戒愚痴恶法，谓心不信违逆佛语。如是比丘自知有过，但生瞋恨、憍慢、佞戾，恶邪慢心谤佛法僧。舍利弗，随此比丘闻是诸经违逆不信，心不通达无上菩提，教语诸人非佛所说。舍利弗，佛说是人则为谤法，以谤法故为非沙门、非释种子，应当灭摈。是等比丘，若干¹⁴⁵百千万亿诸佛三轮示现，不能令悟，使得道果。何以故？舍利弗，如是恶人，于此法中，自作障道，无复生分，无有信心，但好衣食，贪乐世利，我说此人必堕地狱。

“舍利弗，我今明了告汝，若人违逆如是法宝，于好生处永无有分，但生恶处常盲无目。舍利弗，是诸比丘憍慢炽盛不能定说，破灭¹⁴⁶正法；其余众人不能自活，为利养故随破我法。舍利弗，如是法宝尔时坏灭。何以故？如是法宝一切诸佛皆共恭敬，诸辟支佛、阿罗汉等亦皆恭敬。

“破戒比丘、增上慢者、不定说法诸比丘等，尔时皆共轻慢我法而共远离，多怀悭贪专求生业，贵于财利嫉妬所缚，常好诤讼互生怨隙，不相敬顺无有威仪，志性轻躁犹如猕猴，转易威仪行诸

¹⁴⁵ 丽藏：若；永乐北藏及龙藏：若干

¹⁴⁶ 丽藏：我；永乐北藏及龙藏：灭

恶业，**违**¹⁴⁷沙门法远离贤圣。舍利弗，如是恶人覆藏瑕疵，多欲多求以财自活，恶魔知心为作方便，令其乖异各共散坏，一味僧宝分为五部，既有五部则生诤讼，互相是非论说过失。舍利弗，如今比丘互相教化互相恭敬，同心共行随顺佛语。尔时比丘不相教化不相恭敬，见作恶者畏而舍去，不能以法**互**¹⁴⁸相教诲。或时虽有多闻深智，犹怀憍慢轻贱余人，各以所是自立其论，不喜相见况能受教？

“舍利弗，如来在世三宝一味，我灭度后分为五部。舍利弗，恶魔于今犹尚隐身，佐助调达破我法僧。如来大智现在世故，弊魔不能成其大恶。当来之世，恶魔变身作沙门形，入于僧中，种种邪说，令多众生入于邪见为说邪法，谓弥楼陀罗迦**婆**¹⁴⁹斗事、五分事、念念灭事、一切有事、有我事、有所得事。尔时，恶魔说如是等邪贪著事。如是事者，非诸佛及佛弟子所说。尔时，恶人为魔所迷，各执所见我是彼非。舍利弗，如来豫见未来世中，有如是等破法事故，说是深经，悉断恶魔诸所执著。

¹⁴⁷ 丽藏：退；永乐北藏及龙藏：违

¹⁴⁸ 丽藏：共；永乐北藏及龙藏：互

¹⁴⁹ 丽藏：楼；永乐北藏及龙藏：婆

“舍利弗，当尔之时，阎浮提内多是增上慢人，作小善顺便谓得道，命终之后当堕恶趣。何以故？是人长夜自谓得道，亦复称说他人得道，冒受圣人所供养事，是人于诸天、人、世间为大恶贼。如是痴人闻说第一实义，惊疑怖畏如堕深坑。舍利弗，有诸比丘乐此事者，相与共集破坏诸佛无上菩提。尔时，增上慢人偏执者多，恶魔又复迷惑在家、出家者心，令执非法。说正法者少于援助，则便散坏不复得立。

“舍利弗，尔时，世间年少比丘多有利根。所以者何？诸出家者有余烦恼，还生人中即复出家。是诸比丘喜乐问难¹⁵⁰，推求佛法第一实义。舍利弗，尔时，增上慢者魔所迷惑，但求活命，实是凡夫自称罗汉，谓诸年少比丘等言：‘善身、口、意，此是佛法第一实义。善护净戒，读诵经法，勤修多闻，是名顺忍因缘，所谓净心信佛。又有第一实义，汝当系心缘中，专念涅槃，灭三种苦，则能厌离五阴、十二入、十八界。汝等当于静处观此阴、界、入法悉皆无常，自观其身种种不净，汝等能如是观，当得须陀洹果。又能于是五阴等法，深观无常、苦、空、无我，无有坚

¹⁵⁰ 丽藏：难问；永乐北藏及龙藏：问难

牢，则得斯陀含；转复深观，得阿那含；得阿罗汉，是为第一实义。’

“是中年少比丘复问：‘于佛法中，阿罗汉果便是第一义耶？我等亦知是事，得阿罗汉是第一义。今此五阴，为忆念者生，为不忆念者生？’
答言：‘是五阴者，忆念者生，不忆念者不生。’
复问：‘忆念与五阴为异不？’ 答言：‘如五阴，忆念亦尔！’ 复问：‘若如五阴，忆念亦尔者，谁是念五阴者？’ 答言：‘若无念五阴者，则无涅槃；实有念五阴者，是故有修八直圣道，入涅槃者。’

“舍利弗，未来世中多有比丘成就此忍。舍利弗，尔时会中多诸天众，欲闻佛法第一实义，闻是增上慢者所说，心生疑悔如堕深坑，咸作是言：‘咄哉！释迦牟尼佛法今将速灭。’ 舍利弗，中有成就善根比丘，谓是比丘：‘痴人、空老、增上慢者。’ 有¹⁵¹五阴相、十二入、十八界相者，不受此语，不喜不悦，从座而¹⁵²去。舍利弗，尔时诸天心大欢喜，四方唱言：‘释迦牟尼佛犹有好弟子在，是诸人等善根不少，不喜闻是不净所说，谓我见人见。’ 诸天闻此皆大欢喜，称扬赞

¹⁵¹ 丽藏：若有；永乐北藏及龙藏：有

¹⁵² 丽藏：起；永乐北藏及龙藏：而

叹是利根者，喜乐难问¹⁵³必皆成就无生法忍。如是人等合集一处，共为徒侣，人众既少，势力亦弱。

“舍利弗，尔时，我诸真子于父种族尚无爱语，况得供养住止塔寺？舍利弗，汝且观之，尔时如来便为轻微，我灭度后我诸子等成就善寂无所得忍时亦¹⁵⁴轻贱。我以是故，于无数劫摧诸怨敌，化诸一切天王、人王令心清净，所以尔者，令我诸子得安父位。舍利弗，如来今以一切世间天人为证，如来如法得阿耨多罗三藐三菩提，转无上法轮，沙门、婆罗门，若天、魔、梵所不能转。

“舍利弗，如是现事，如来灭后，我此阿耨多罗三藐三菩提，我诸弟子等欲广流布，是诸恶人不能证明，亦复不能施与无畏。

“舍利弗，譬如蜜瓶置四衢道，而作是言：‘若人能食一毛头者，常不老死。’尔时，诸天世人各以刀仗¹⁵⁵卫护是瓶。时，卫护者各作是言：‘若或有人食一毛头者，我等当杀。’舍利弗，中有一人窃作是念：‘是瓶中蜜，食一毛头，则

¹⁵³ 丽藏：问难；永乐北藏及龙藏：难问

¹⁵⁴ 丽藏：亦为；永乐北藏及龙藏：亦

¹⁵⁵ 丽藏：杖；永乐北藏及龙藏：仗

不老死，我今何为惜死不噉？若得噉已，则便不畏诸卫护者，亦可常得无老病死。’如是定心不惜寿命直诣瓶所，诸卫护者各持刀仗¹⁵⁶，竞欲杀之。舍利弗，是人若能刀仗¹⁵⁷未及食一滴¹⁵⁸者，则免衰患无复老死。

“如是，舍利弗，多有恶人、魔及魔民欲灭我法。如来灭后，若有人能随顺空法，通达无碍¹⁵⁹，则于诸法心无所得，成就上忍。尔时，虽为恶人所轻，沮坏其道，是人若能不惜身命，勤行精进，通达诸法无生无作，则得度脱生老病死。

“舍利弗，蜜瓶是佛第一义法；诸天世人卫护瓶者，则是恶人乐行魔事，自失大利，亦遮他人行实相者，失于大利。舍利弗，增上慢者皆是魔党，助成魔事，咸共讥诃无生无灭¹⁶⁰法。

“又，舍利弗，不净说者，我见、人见、众生见，五阴、十二入、十八界见，未得谓得，心计得道，计得涅槃，咸亦讥诃如是正法。何以故？是人贪著空故，亦是魔众，魔所迷惑，以我正法而作魔事。

¹⁵⁶ 丽藏：杖；永乐北藏及龙藏：仗

¹⁵⁷ 丽藏：杖；永乐北藏及龙藏：仗

¹⁵⁸ 丽藏：滴；永乐北藏及龙藏：滴

¹⁵⁹ 丽藏：疑；永乐北藏及龙藏：碍

¹⁶⁰ 丽藏：灭；永乐北藏及龙藏：无灭

“舍利弗，若在家、出家，闻是无我、无人、无众生毕竟空法惊疑畏者，当知是人受魔教化；是像比丘，为是盗法恶威仪者。舍利弗，是人则是我见、众生见、有见、无见、常见、断见，皆是魔民非佛弟子。何以故？我经中说：‘一切世间皆空，无我、无我所、无人、无众生、无常、无定、无不坏法。’如是恶人亦复皆共读诵是经为他人说，而心贪著我见、人见，如是痴人名为造作苦因、名为反复两端、名为斗乱破僧、名为污染道法、名为沙门中浊、名为丑陋秽恶、名为但有言说、名为假伪沙门、名为沙门中贫、名为担重担者、名为欺诳诸佛、名为得逆罪者。

“舍利弗，是人名为大恶逆贼、名为恶知识、名为破戒、名为邪见、名为外道、名为无实行、名为恶伴、名为杀鬼、名为癞疮、名为臭秽、名为烧热、名为谄曲、名为堕在黑暗、名为入稠榛林、名为堕生死流、名为互出恶者、名为地狱、名为畜生、名为饿鬼、名为阿修罗、名为不入道者、名为欺诳人者、名为自赞己者、名为行占相者、名为大声唤呼、名为因利求利、名为污染他家、名为常调戏者、名为散乱心者、名为贪所害者、名为瞋所害者、名为痴所害者、名为好面欺

者、名为衰恼处者、名为无解脱者，名为忧恼缚者，名为非沙门、形像沙门、沙门旃陀罗、沙门臭秽、沙门糠糟¹⁶¹，名为难满、名为难养、名为坏威仪者、名为无羞耻者、名为截断头者、名为身体坏者、名为袈裟系颈、名为自入暗冥者、名为多贪欲者、名为多瞋恚者、名为多愚痴者、名为五盖缠覆、名为没者、名为虚者空者、名为痴者。

“舍利弗，云何名空？违¹⁶²失诸佛赞善人相，故名为空；违¹⁶³失一切沙门功德沙门事法，故名为空。云何名为¹⁶⁴虚？在圣法外故名为虚，远离空、无相、无愿法故名为虚。舍利弗，如是恶人能令魔喜，贪著坚执虚妄法故，同于凡夫备足¹⁶⁵具有罪恶人相；不似得法忍者，沙门事法沙门功德，百千万分尚无一分¹⁶⁶。舍利弗，是故名为空者、虚者。但深贪著世间利乐，非是沙门自称沙门，不应供养而受供养，名为常贼、立幢相贼，名为自在杀害人贼。是人所食一口皆不清净，唯有向道得道果者能消供养，是人无此，是故名为

¹⁶¹ 丽藏：糟粕；永乐北藏及龙藏：糠糟

¹⁶² 丽藏：退；永乐北藏及龙藏：违

¹⁶³ 丽藏：退；永乐北藏及龙藏：违

¹⁶⁴ 丽藏：为；永乐北藏及龙藏：名为

¹⁶⁵ 丽藏：足；永乐北藏及龙藏：修是；校勘：足

¹⁶⁶ 丽藏：其一；永乐北藏及龙藏：一分

不净食者。舍利弗，是故名为空者、虚者。

“于意云何？若人杀生、偷盗、邪淫、妄语、两舌、恶口、绮语、贪嫉、瞋、恚、邪见，是人是否为常杀生不？常夺命不？”

“不也。世尊！在家杀生，不常夺命，杀生时少，不杀时多。”

“舍利弗，于意云何？若人偷盗，偷盗时多¹⁶⁷不盗时多？”

“世尊！不盗时多。”

“舍利弗，于意云何？若人邪淫，邪淫时多、不邪淫时多？”

“世尊！不邪淫时多。”

“妄语、恶口、两舌、绮语、贪嫉、瞋恚时多，不瞋恚时多？”

“世尊！不瞋恚时多。”

“舍利弗，是十不善道中何者罪重？”

“世尊！十不善中邪见罪重。何以故？世尊！邪见者垢常著心，心不清净。”

“舍利弗，我今语汝，若人一日杀百千万亿众生；一日偷盗百千万亿种¹⁶⁸金银宝物；邪淫者，昼夜不息；妄语者，常欺诳人，口业不净无一实

¹⁶⁷ 丽藏：多；永乐北藏及龙藏：少；校勘：多

¹⁶⁸ 丽藏：亿；永乐北藏及龙藏：亿种

语；两舌者，常破和合，亦助破者；恶口者，口常恶逆，乃至不说柔软一语；绮语者，无有根本，人闻¹⁶⁹此事，以余无量语言忤¹⁷⁰乱；贪嫉者，于他物中生非法心；瞋恚者，无有因缘横起瞋恚，怀恨满心；邪见者，乐行非道。舍利弗，于意云何？若人成就如是不善法者，罪为多不？”

“甚多。世尊！”

“舍利弗，我今语汝，若人百岁成就如是不善罪，破戒比丘一日一夜受他供养，罪多于彼。何以故？是杀生者，多人所知，多人所识，人所恶贱，人皆知是杀夺命者，罪人秽浊是染污¹⁷¹者，不善无德人所离者。又，舍利弗，杀生之人多夺他命，或生厌心自知不是，当得罪报，人皆知恶无戒秽浊，于此人所不望功德，乃至析毛百分之一，况谓福田而供养之？又，舍利弗，是杀生之人，其家妻子，人皆悉知¹⁷²不共恭敬，尚不令坐，何况供养？杀生之人以财自活养育妻子，或时供养沙门、婆罗门，以此业报得遇贤圣比丘、比丘尼为说道法，教离杀生舍其杀业，于佛法中而得出家无有障碍，得出家已近善知识得沙门果，是

¹⁶⁹ 丽藏：问；永乐北藏及龙藏：闻

¹⁷⁰ 丽藏：干；永乐北藏及龙藏：忤

¹⁷¹ 丽藏：污染；永乐北藏及龙藏：染污

¹⁷² 丽藏：知悉；永乐北藏及龙藏：悉知

人现世轻受罪报，不障圣道得免三涂。

“舍利弗，于我法中有诸比丘，非是沙门自言沙门，非是梵行自言梵行，断诸善根障入涅槃迷惑失道，破道因缘破诸善法，行外道事入于恶道。多诸怨¹⁷³贼，空生受命犹如死人，形色毁悴失正威仪，于我法中名为污染、名为法贼、名为逆人、名为魔使。犹如行厕，亦如死狗，如像沙门，同沙门服无沙门事。

“舍利弗，譬如野干在师子群；亦如黄门在于转轮圣王众中；亦如猕猴在于诸天；亦复如驴在象王众；亦如盲人在天眼众；亦如蝙蝠在金翅鸟众。舍利弗，破戒比丘在我众中，百千万亿诸天大众，见此比丘在众而坐，皆大忧恼而作是言：

‘如是恶人何用布萨？是魔党类，欲闻无上佛道向白衣说。’复有信乐佛法诸龙鬼神等，高声大唤是恶比丘：‘何故于此隐藏其身？似如恶马在调善马中。’如是痴人，自谓无有见知我恶，自藏于此欺诳天人，为是一切天人中贼，众共见已皆更大唤¹⁷⁴。

“舍利弗，如是罪恶比丘，为是诸天所知恶

¹⁷³ 丽藏：恶；永乐北藏及龙藏：怨

¹⁷⁴ 丽藏：笑；永乐北藏及龙藏：唤

贼，白衣无异而受供养，迎送¹⁷⁵礼拜合掌恭敬。弊人愚痴犹如死尸，所著衣服皆是偷得，钵中所食皆是盗取，无人与者，乃至水亦是盗得。舍利弗，破戒比丘所至之方，若至东¹⁷⁶、南、西、北方，皆是偷地而行。何以故？是人所有威仪行法，皆是偷盗假窃所作。行立坐卧、来去视瞻、屈伸俯仰、著衣持钵，今但略说身、口、意业，有所施作皆是偷贼。若有剃是人发，为剃贼发。举要言之，破戒比丘有所施作，皆是贼作。舍利弗，弊恶比丘，乃至大小便利澡手皆是贼法，何以故？舍利弗，阎浮提内皆是国王及诸大臣、人民所有及眷属¹⁷⁷、非人，是恶比丘于中为贼。

“舍利弗，若王、大臣，于恶贼所，不望功德，不言等我，不言胜我。破戒比丘著圣法服，于是人所望得功德，是故听使止住国土；若知其恶，乃至唾地亦复不听。是故舍利弗，弊恶比丘，动身所作皆是贼作，名为常贼、大贼、立幢相贼，打害一切世间人者。何以故？无恶不作故。是故，舍利弗，是恶比丘于诸一切天人世间，为是大贼。舍利弗，若人是一切天人世间大贼，是人能消一

¹⁷⁵ 丽藏：送；永乐北藏及龙藏：逆；校勘：送

¹⁷⁶ 丽藏：东方；永乐北藏及龙藏：东

¹⁷⁷ 丽藏：属；永乐北藏及龙藏：眷属

饮食¹⁷⁸水不？”

“不也。世尊！”

“舍利弗，于意云何？是人非是大恶人耶？”

“如是。世尊！”

“舍利弗，破戒比丘于诸一切天人世间有大恶罪，以是义故，我说此偈：

宁噉烧石 吞饮洋铜

不以无戒 食人信施

“舍利弗，是破戒比丘，无色无德，无复志愿，身心热毒，喜见恶梦，不乐独处，或时独处、或时独行，身则战惧。见净戒者，僻藏避回，心怯自愧，不喜欲见。受供养时，惊疑怖畏，心常驰骋，多所¹⁷⁹想念，深贪财利，爱乐美食。如是比丘，命终之后必入地狱。舍利弗，是名破戒比丘七忧恼箭，必堕¹⁸⁰地狱。

“复次，舍利弗，破戒比丘乐在众闹，散乱多语，性好嫉妬，与破戒者以为亲友，常乐论说破戒恶事，以为喜乐不知羞耻，违逆深经心疑不信。或时闻说如是等经，疑逆诤竞不乐听受，东西顾望心不专一，以手掩口仰视虚空，从坐而去

¹⁷⁸ 丽藏：饮；永乐北藏及龙藏：饮食

¹⁷⁹ 丽藏：诸；永乐北藏及龙藏：所

¹⁸⁰ 丽藏：入；永乐北藏及龙藏：堕

¹⁸¹谤佛法教，怀瞋恨心骂说法者。以如是等过恶因缘，命终之后深入地狱。舍利弗，是名破戒比丘八烦恼箭，必堕地狱。

“复次，舍利弗，破戒比丘，但乐尊重和¹⁸²尚、阿阇黎¹⁸³赞其功德；以求名利，称持戒者；因以自活，执事便附；随宜善巧，无有羞耻，犹如黑乌；为僧因缘，多求衣服；饮食¹⁸⁴滋口，身力肥盛；不知惭愧，言无次第；手脚粗燥，颜色毁悴；乐视妇人¹⁸⁵，不附男子。如是恶人，众所轻贱，天龙鬼神所不称赞，乃至诸佛亦不叹说，心性急促常好瞋恚，众僧断事侠为势力。舍利弗，如是破戒比丘，多于众¹⁸⁶中求有威势，未问而答常求他过，见净戒者谓是欺诳，勤求道者不同其法，喜乐别异诤者助喜。舍利弗，是名破戒比丘九烦恼箭，必堕地狱。

“复次，舍利弗，破戒比丘，好乐他事任持其理，有斗争处¹⁸⁷以为喜乐，衣服严身学他威仪，求好卧具利养安身，乐人称赞。护惜檀越及客住处，恐好比丘来见我过，憎持戒者亲附破戒。常

¹⁸¹ 丽藏：起；永乐北藏及龙藏：去

¹⁸² 丽藏：上；永乐北藏及龙藏：尚

¹⁸³ 丽藏：梨；永乐北藏及龙藏：黎

¹⁸⁴ 丽藏：恣；永乐北藏及龙藏：滋

¹⁸⁵ 丽藏：女；永乐北藏及龙藏：人

¹⁸⁶ 丽藏：僧；永乐北藏及龙藏：众

¹⁸⁷ 丽藏：者；永乐北藏及龙藏：处

赞布施，不赞持戒、忍辱、精进、禅定、智慧，不赞寂灭远离独处。常好讥论持戒者过，亦不称赞行头陀者，或指说其事，或恶口横加，或忆想妄说。依恃¹⁸⁸种姓数问亲族，以少因缘为贪说法，常以曲心而怀惊疑，众所憎恶久而益贱。于持戒者常好讥说，苦切实语者不欲亲近。意不喜闻如是等经，好持赞¹⁸⁹诵如是经者、闻说是经心欢喜者，亦不喜见。又不喜闻赞持戒法，说是等经不来听受，设来听受不久即还。多与白衣而作知识，常乐论说持戒比丘，以得自在轻行暴恶。舍利弗，是为¹⁹⁰破戒比丘十忧恼箭，必堕恶道。

“舍利弗，我灭度后如是等人满阎浮提，专行求利以自生活。”

佛藏经卷第二

¹⁸⁸ 丽藏：怙；永乐北藏及龙藏：恃

¹⁸⁹ 丽藏：读；永乐北藏及龙藏：赞

¹⁹⁰ 丽藏：名；永乐北藏及龙藏：为

佛藏经卷第三

姚秦三藏法师鸠摩罗什译

净法品第六

佛告舍利弗：“昔迦叶佛豫记我言：‘释迦牟尼佛多受供养故，法当疾灭。’舍利弗，我法实以多供养故，后当疾灭。舍利弗，譬如贫人得大宝藏，心则大乐。如是，舍利弗，未来世中，多有比丘亲近白衣，受其供养，渐相狎习，而与执事，心便欢喜，以为悦乐，犹如贫人得大宝藏。如是痴人，贵于世利世乐奴仆。若见比丘，多人供养，心便谓之得阿罗汉；见少从¹⁹¹知识，便谓恶人。如是比丘，为利养故，舍无上正觉¹⁹²，随所乐者，即成其事。

“舍利弗，如来于今为是痴人，说如是等经。何以故？破戒比丘闻说是经，则生悔心当还持戒，不作大贼受他供养。舍利弗，若有比丘，得闻是经，心不清净，不喜不乐，是则名为弊恶比丘。何以故？舍利弗，净戒比丘无法不乐。若说布施、若说持戒、若说忍辱、若说精进、若说禅定、若

¹⁹¹ 丽藏：少；永乐北藏及龙藏：少从

¹⁹² 丽藏：上佛道；永乐北藏及龙藏：无上正觉

说智慧，若说如是厌畏经法，心皆喜乐。

“舍利弗，有三种人，闻说是经，心则忧悔¹⁹³。何等为三？一者、破戒比丘；二者、增上慢人；三者、不净说法。复有三种人，闻如是经，心则忧恼。何等为三？一者、人见；二者、命见；三者、我见。

“舍利弗，我今明了告汝，如好善知识，以慈愍心为人求利、求乐、求安隐，汝等一心听受我语，常求善利，心勿放逸。

“舍利弗，不净说法者有五过失。何等为五？一者、自言尽知佛法；二者、说佛经时，出诸经中相违过失；三者、于诸法中，心疑不信；四者、自以所知，非他经法；五者、以利养故为人说法。舍利弗，如是说者，我说此人当堕地狱不至涅槃。

“复次，舍利弗，说法比丘处在大众，信乐法者为敷高座，舍佛正法而说外道严饰文辞，我久勤苦求是法宝，而此恶人舍置不说，但以经中相违语义，互相是非不顺正法，于圣法中高心自大，随意而说为求利养。舍利弗，若比丘说法杂外道义，有善比丘勤求道者，应从坐去。何以故？舍利弗，有信白衣敷置高座，不应演说外道诸¹⁹⁴

¹⁹³ 丽藏：恼；永乐北藏及龙藏：悔

¹⁹⁴ 丽藏：语；永乐北藏及龙藏：诸

义；若不去者，非善比丘，亦复不名随佛教者。舍利弗，说法甚难，如是说者，我说此人名为外道尼犍弟子，非佛弟子。是说法者，命终之后，当生尼犍子道。何等是尼犍子道？邪见是尼犍子道。何等为邪见？谓是地狱、畜生、饿鬼。何以故？舍利弗，身未证法而在高座，身自不知而教人者，法¹⁹⁵堕地狱。

“舍利弗，如是因缘如来悉知，我诸弟子，以种种门、种种因缘、种种诸见，灭我正法。舍利弗，若有众生，闻如是经第一义空无所有法，心欢喜者，当知是人真我弟子。

“舍利弗，过去世有五百盲人行于道路，到一大城饥渴乏极，令一盲人在外守物，余者入城乞索饮食。未久之间，有一逛人至守物者所，语言：‘咄！人何以独住？’答言：‘我有多伴入城乞食。’逛人语言：‘汝为知不？彼间大施衣食、璎珞、华香、杂物，随意可得，汝若须者，将汝诣彼。’答言：‘可尔！’逛人将盲小离本处，尽夺其物。诸盲乞食得已而还，逛人复语诸盲人言：‘汝等得值大会施不？’答言：‘不值。’逛人语言：‘汝等所得物¹⁹⁶可置于此，我将汝等诣大施

¹⁹⁵ 丽藏：必；永乐北藏及龙藏：法

¹⁹⁶ 丽藏：所得；永乐北藏及龙藏：所得物

会。’诸盲尽共留物一处，随诳人去。诳人尽将五百盲人临大深坑，而语之言：‘此地平好有大施会，汝等各可回面东行，受大¹⁹⁷施物。’即便一时，堕坑而死。

“舍利弗，当来比丘好读外经，当说法时，庄校文辞令众欢乐，恶魔尔时助惑众人，障碍善法。若有贪著音声、语言、巧饰文辞，若复有人好读外道经者，魔皆迷惑，令心安隐。若有比丘修佛法者，令生疑惑，咸使众人不复供养。或有比丘若二若三已读佛经，便使令求外道经法，先自看者，赞言善好。是诸人等，为魔所惑，覆障慧眼，深贪利养，看诸外书，犹如群盲为诳所欺，皆使令堕深坑而死。舍利弗，诸生盲人即是比丘舍佛无上道求外道经书，诳人是恶魔，深坑是邪道。舍利弗，如群盲人舍所得物，欲诣大施而堕深坑；我诸弟子亦复如是，舍粗衣食而逐大施，求好供养，以世利故失大智慧，而堕深坑阿鼻地狱。

“复次，舍利弗，不净说法者，不知如来随宜意趣，自不善解而为他¹⁹⁸说，是人现世得五过失，余人不知，唯得天眼比丘及诸天所知。何等

¹⁹⁷ 丽藏：他；永乐北藏及龙藏：大

¹⁹⁸ 丽藏：人；永乐北藏及龙藏：他

为五？一、说法时心怀怖畏，恐人难我；二、内怀忧怖而外为他说；三、是凡夫无有真智；四、所说不净但有言辞；五、言无次第，处处抄撮，是故在众心怀恐怖。如是凡夫无有智慧，心无决定，但以憍慢微小因缘，求于名闻，疑悔在心而为他¹⁹⁹说；是人长夜自受贪欲、瞋恚、愚痴毒箭。何以故？舍利弗，是人不能定知诸法而为他说，心不喜乐或若违²⁰⁰失。

“舍利弗，我知不净说法有此过咎不得正道，是事一切比丘不知、诸天不知，唯我乃知。复有不净说法比丘，不解如来随宜所说而为他人说。诸经中无我、无人、无众生、无寿命，而是人自以论辞说言有我、有人、有众生、有寿命，即为谤佛、谤法、谤僧。谤三宝罪，诸天世人所不能知，唯佛乃知。舍利弗，是人亦名不净说法。我知其过，诸神通者及诸天众皆不能知，唯佛乃知。

“舍利弗，我今为汝譬喻解说。若人不知佛道义相，而为他人不净说法，此人成就几不善事？舍利弗，于意云何？阎浮提众生宁为多不？”

“甚多。世尊！”

“舍利弗，若有恶人尽夺其命，是人得罪宁

¹⁹⁹ 丽藏：人；永乐北藏及龙藏：他

²⁰⁰ 丽藏：若乐速；永乐北藏及龙藏：或若违

为多不？”

“甚多。世尊！”

“如是痴人，不知佛道而为他人不净说法，罪多于此。何以故？是人不净说法破无上佛道，亦谤过去、未来、今佛。何以故？舍利弗，若有过去诸佛，说一切法皆毕竟空，无我、无人、无众生、无寿者、无命者；舍利弗，未来诸佛说一切法亦毕竟空，无我、无人、无众生、无寿者、无命者；舍利弗，今现在十方恒沙²⁰¹世界诸佛，说一切法亦毕竟空，无我、无人、无众生、无寿者、无命者。舍利弗，是名诸佛无上之法，谓一切法无有体性、无所得空、本性寂灭、无生无灭、无有性相、自相皆空。如来但为断诸忆想分别故说，而诸佛菩提无有分别。

“舍利弗，何等为分别？谓分别者，我见、人见、众生见、寿见、命见、断见、常见，凡夫成就是诸分别。若人无有如是分别，能悉了知一切法空，无我、无人、无众生、无寿者、无命者。如是念时，心得欢喜，闻第一义空不惊不畏。是人则知五阴虚妄无有真实，知十二入、十八界虚妄无有真实。是人亦不分别涅槃、不念涅槃、不

²⁰¹ 丽藏：河沙；永乐北藏及龙藏：沙

言我能念涅槃。以法得寂灭而不分别，是法所寂灭处，亦不分别，亦复不得。舍利弗，是名顺忍。是人于是顺忍第一义中，亦不得自相。舍利弗，何等是顺忍相？所谓无相是顺忍相。

“舍利弗，于意云何？若人于此顺忍尚不得相，是人若得我相、人相、众生相、寿相、命相者，无有是处。若人成就如是智慧，应受供养，是名佛子，是名入不住定。

“舍利弗，是名佛法第一义门，谓无忆想分别、无此无彼。而是痴人在大众中说于邪见，自以忆想分别教人：‘此是佛法，此是圣道。’如是痴人，则为诽谤过去、未来、现在诸佛。如是痴人，名恶知识，不名善知识。舍利弗，怨虽夺命，但失一身；如是痴人不净说法，千万亿劫为诸众生作大衰恼。是人痴冥覆佛菩提本心，贪著还复炽盛，相续不断，以贪著故往来五道，无善径路，生死不绝²⁰²。是故，舍利弗，不净说法者得罪极多，亦为众生作恶知识，亦谤过去、未来、今佛。

“舍利弗，置此阎浮提众生，若人悉夺三千大千世界众生命，不净说法罪多于此。何以故？是人皆破诸佛阿耨多罗三藐三菩提，为助魔事，

²⁰² 丽藏：断；永乐北藏及龙藏：绝

亦使众生于百千万世受诸衰恼，但能作缚不能令解，当知是人于诸众生为恶知识、为是妄语，于大众中谤毁诸佛，以是因缘堕大地狱，教多众生以邪见事，是故名为恶邪见者。舍利弗，我见、人见、众生见者多堕邪见，断灭见者多疾得道。何以故？是易舍故。是故当知，是人宁自以利刀割舌，不应众中不净说法。”

往古品第七

佛告舍利弗：“过去久远无量无边不可思议阿僧祇劫，尔时有佛，号大庄严如来、**应供**²⁰³、正遍知、明行足、善逝、世间解、无上士、调御丈夫、天人师、佛、世尊。其佛寿命六十八百万亿岁，有六十八百万亿大弟子众。其佛灭后，舍利流布，如我灭后无有异也；正法住世亦五百岁，如我灭后无有异也。其佛灭后，大弟子众于中一日，有百比丘入涅槃者，二百、三百、四百、五百入涅槃者，一日之中或有十万亿比丘入涅槃者。如是展转，其佛所有多知多识大神通众，三月之中皆入涅槃。

“舍利弗，大庄严佛正法流布，多诸天人所

²⁰³ 丽藏：应；永乐北藏及龙藏：应供

共供养。舍利弗，大庄严佛及大弟子灭度之后，渐多有人知沙门法安隐快乐出家学道，而不能知佛所演说甚深诸经无等空义，多为恶魔之所迷惑。时说法者，心不决定，说不清静，说有我、人、众生、寿命，不说一切诸法空寂。其佛灭度百岁之后，诸弟子众分为五部：一名普事，二名苦岸，三名一切有²⁰⁴，四名将去，五名跋难陀。

“舍利弗，此普事比丘、苦岸比丘、一切有²⁰⁵比丘、将去比丘、跋难陀比丘，是五比丘为大众师。其普事者知佛所说真实空义无所得法，余四比丘皆堕²⁰⁶邪道，多说有我，多说有人。舍利弗，普事比丘为四部所轻，无有势力，多人恶贱；四恶比丘多教人众以邪见道，于佛法中不相恭敬，相违逆故以灭佛法。舍利弗，若有人知普事比丘所说空法，信受不逆，我知此人曾于先世供养五千佛，有六十八亿那由他人已入涅槃。何以故？舍利弗，是²⁰⁷人于过去世诸佛所种诸善根，修集²⁰⁸无所得空法应入涅槃。

“舍利弗，是苦岸比丘、一切有比丘、将去

²⁰⁴ 丽藏：萨和多；永乐北藏及龙藏：一切有

²⁰⁵ 丽藏：萨和多；永乐北藏及龙藏：一切有

²⁰⁶ 丽藏：随；永乐北藏及龙藏：堕

²⁰⁷ 丽藏：此；永乐北藏及龙藏：是

²⁰⁸ 丽藏：习；永乐北藏及龙藏：集

比丘、跋难陀比丘，皆计有所得，说有我、人、众生、寿命，徒众炽盛。是四恶人多令在家、出家住于邪见，舍第一义无所有毕竟空法，贪乐外道尼捷子论。舍利弗，是四恶人，所有在家、出家弟子，常相随逐乃至法尽。舍利弗，是中有人知非法事，受以为法，勤心行之，犹尚不得顺忍，况得须陀洹果？是人犹尚不作消供养事，何况能生顺忍？

“舍利弗，尔时在家、出家弟子多堕恶道不至善道，是诸恶人灭佛正法，亦与多人大衰恼事。又是恶人命终之后，当堕²⁰⁹阿鼻地狱，仰卧九百万亿岁，俯卧九百万亿岁，左胁卧九百万亿岁，右胁卧九百万亿岁，于热铁上烧然焦烂。是中退死，更生炙地狱、大炙地狱、活地狱、黑绳地狱，皆如上岁数受诸苦恼，于黑绳地狱死还生阿鼻大地狱中。舍利弗，以是因缘，若在家、出家亲近此人，及善知识并诸檀越，凡有六百四万亿人，与此四师俱生俱死，在大地狱受诸烧煮。如是，舍利弗，是人所有善知识家、诸檀越家、弟子、诸师随顺行者，凡在其数，皆生地狱。

“舍利弗，汝等不能知其多少，唯有如来乃

²⁰⁹ 丽藏：堕；永乐北藏及龙藏：当堕

能知之，与此恶人堕大地狱俱生俱死，凡有六百四万²¹⁰亿人，如是展转一劫受苦，大劫将烧故在地狱。何以故？舍利弗，破诸如来阿耨多罗三藐三菩提，其罪甚重不为轻也。大劫若烧，是四恶人及六百四万亿人，从此阿鼻大地狱中转生他方，在大地狱。何以故？舍利弗，重罪具足其报不少，在于他方无数百千万亿那由他岁受大苦恼；世界还生，是四罪人及六百四万²¹¹亿那由他²¹¹人，并及余人罪未毕竟²¹²，于彼命终还生此间大地狱中。

“舍利弗，是四罪人及六百四万亿众生，久久虽免地狱苦恼得生人中，于五百世从生而盲，然后得值一切明佛如来、应供、正遍知、明行足、善逝、世间解、无上士、调御丈夫、天人师、佛、世尊。舍利弗，一切明佛声闻弟子一亿那由他。尔时人民，身长三百九十六肘，时佛²¹³身一倍，常光圆照十万亿由旬。舍利弗，是人于一切明佛法中出家，十万亿岁勤行精进如救头然，不得顺忍，况得道果？何以故？舍利弗，起破阿耨多罗三藐三菩提罪业因缘，法应当尔；命终之后还生

²¹⁰ 丽藏：六百四万；永乐北藏及龙藏：六十四百万；校勘：六百四万

²¹¹ 丽藏：亿；永乐北藏及龙藏：亿那由他

²¹² 丽藏：者；永乐北藏及龙藏：竟

²¹³ 丽藏：佛；永乐北藏及龙藏：时佛

阿鼻大地狱中，以先起重不善业²¹⁴缘。

“舍利弗，是诸人等，如是展转，乃至我今。于其中间，得值九十九亿佛，于诸佛所不得顺忍。何以故？佛说深经是人不信，破坏违逆谤毁贤圣持戒比丘，出其过恶起破法业因缘，法当²¹⁵应尔。

“舍利弗，汝且观之，诽谤圣人不信圣语，受是无量无边苦恼不得解脱。舍利弗，有诸众生起破法罪业违逆不信者，其数无量，于九十九亿佛所阿僧祇劫，²¹⁶乃至无一人入涅槃者。舍利弗，谁能破诸佛教不信违逆？但凡夫愚痴及增上慢诸恶比丘，并诸不净说法比丘。何以故？舍利弗，是三种人不名行者、不名得者。是人不信如来法故，毁谤违逆。

“舍利弗，²¹⁷汝谓何者是苦岸比丘不净说法者？即调达痴人是。汝谓何者是一切有比丘不净说法者？即拘迦离比丘是。舍利弗，汝谓何者是将去比丘不净说法者？即²¹⁸迦毗罗比丘是。汝谓何者是跋难陀比丘不净说法者？即裸形沙门²¹⁹婆利摩陀是。舍利弗，汝谓尔时清净如实说诸佛

²¹⁴ 丽藏：因缘；永乐北藏及龙藏：缘

²¹⁵ 丽藏：应当；永乐北藏及龙藏：当应

²¹⁶ 丽藏：乃；永乐北藏及龙藏：乃至

²¹⁷ 丽藏：若汝；永乐北藏及龙藏：汝

²¹⁸ 丽藏：迦；永乐北藏及龙藏：迦毗

²¹⁹ 丽藏：波；永乐北藏及龙藏：婆

菩提，利益无量众生者，即是富楼那弥多罗尼子。所说清净，诸随学者得值五千佛，有六十八亿那由他人，皆已灭度。

“舍利弗，若人实语，何者为是最上法师决了法义清净说法²²⁰？当说富楼那弥多罗尼子是²²¹。舍利弗，富楼那定心决了所说无难，无有所疑而生论议。舍利弗，若人实语²²²，何者是一切因缘法师？当说富楼那是。舍利弗，富楼那世世所生，常为众生而作佛事，于九十亿诸佛法中，常作法师清净说法，皆于诸佛所尽其形寿，常修梵行，清净说法。舍利弗，富楼那亦于七²²³佛法中而作法师，亦于我法中²²⁴作大法师，成阿罗汉心得解脱。若人实说，何人世世供养诸佛种诸善根？当说富楼那是。舍利弗，富楼那于九十亿诸佛法中，勤心求学决定议论，有深智慧。是故如来于诸法师说为第一。舍利弗，若我一日一夜称说富楼那功德不尽，若过一日一夜亦复不尽。何以故？富楼那法施，无俗因缘，不贪利养；富楼那法师得四无碍智，唯除如来，诸世界²²⁵中言辞义理无能

²²⁰ 丽藏：者；永乐北藏及龙藏：法

²²¹ 丽藏：富楼那；永乐北藏及龙藏：富楼那弥多罗尼子

²²² 丽藏：说；永乐北藏及龙藏：语

²²³ 丽藏：六；永乐北藏及龙藏：七

²²⁴ 丽藏：法；永乐北藏及龙藏：法中

²²⁵ 丽藏：间；永乐北藏及龙藏：界

胜者。

“舍利弗，我今告汝，若人欲得阿耨多罗三藐三菩提为人说法，则得无量无边福德，亦能利益无量众生。舍利弗，若人破坏违逆不信²²⁶是法者，则起无量重罪因缘。何以故？舍利弗，恶有恶报，善有善报。我以此故，今以是经嘱累于汝，当为四众广说分明²²⁷。舍利弗，若闻是经心信欢喜，即得无量无边福德。若闻不信心不喜乐，即得无量无边重罪。舍利弗，当知是人名为破戒比丘，若增上慢、不净说法者。舍利弗，若人违逆如是经²²⁸者，世世所生常盲无目。

“舍利弗，我今明了告汝，我今所说非如陶师爱护坏器。我今分明广为四众，说第一义毕竟空法。坚固者在，不坚固者破。何以故？舍利弗，佛得阿耨多罗三藐三菩提，不为邪见恶人说法，不为我见、人见、众生见、寿命见者说法。何以故？是诸贪著皆名邪见。舍利弗，如是我见、人见不得顺忍，况得道果？舍利弗，若我见、人见、众生见、寿命见、断见、常见者，能得顺忍，能得道果，无有是处。是故，舍利弗，若人成就如

²²⁶ 丽藏：信；永乐北藏及龙藏：言；校勘：信

²²⁷ 丽藏：别；永乐北藏及龙藏：明

²²⁸ 丽藏：教；永乐北藏及龙藏：经

是见者，于我法中，我则不听受诸供养，是非行者，亦非得者，但于我法求自活命。

“舍利弗，我说外道欲入佛法，应试四月。何以故？诸外道人，多有我见、人见、众生见、寿命见、断见、常见。舍利弗，我诸弟子无有我见、人见、众生见、寿命见、断见、常见。我诸弟子但说空、无相、无愿、无所得忍，说识无所住。舍利弗，若有成就如是忍者，我听是人出家受戒，得受供养衣服、饮食、卧具、医药。若人无是忍者，应先试之，先教令住诸法无我。舍利弗，若于此忍心不欢喜，闻说第一义空惊疑诃²²⁹，闻说我见心则欢喜，当知是人为魔所使，若先外道。

“舍利弗，智者于此不应生忧，但于此人应生悲心。何以故？舍利弗，若人成就如是恶者，所获恶报说不可尽，当于此人生利益心，教以诸法无我、诸法空寂、诸法无作、无有受者。是人若爱佛法，得闻是事心喜乐者，其余空行比丘无所得者，皆应示教利喜安慰其心，为说诸法无所有空；若闻惊畏，应于众中语其和尚²³⁰、阿阇黎

²²⁹ 丽藏：诃；永乐北藏及龙藏：呵

²³⁰ 丽藏：上；永乐北藏及龙藏：尚

²³¹，如经中说行空行者。有²³²能了知诸法别相，我与为师，不与我见、人见、颠倒邪见、贪著持戒者为师。

“如来听许具正见者而共布萨，不听破戒邪见之人、破威仪者而共布萨。长老弟子闻说空寂无所有法，心不信乐志在外道，佛不听与外道布萨，是人若当不舍是见，不应听使得入僧事，亦不受其欲。如是作已犹故不舍，当知是人不得在道，便是永弃，应语其和尚²³³、阿阇黎²³⁴，不应复畜。舍利弗，若僧如是，则供养我，亦为善破外道邪见，是名清净说戒布萨。

“舍利弗，我今明了告汝，若人受是我见、人见、众生见、有无见，是人不能供养于我，不能随我出家受戒，是名随逐六师出家，以六师为师。舍利弗，若人于是清净实法不能得忍，而受供养，是人所得则为邪受。舍利弗，是人虽于我法中出家护持净戒，而于第一义空无所得法，心不信解惊怖疑悔，当知是人但贵持戒、多闻、禅定。舍利弗，是人不能供养、恭敬、尊重于我。何以故？舍利弗，无始世来无有众生不得四禅，

²³¹ 丽藏：梨；永乐北藏及龙藏：黎

²³² 丽藏：又；永乐北藏及龙藏：有

²³³ 丽藏：上；永乐北藏及龙藏：尚

²³⁴ 丽藏：梨；永乐北藏及龙藏：黎

若但知得四禅谓为沙门利者，是人何名供养于我？是故，舍利弗，我今明了告汝，当来世人，于我法中种种贪著、种种邪见，毁坏我法。

“舍利弗，若人但贵持戒、多闻、禅定，当知是人不能净行沙门诸法，我则不说此人名为沙门婆罗门。舍利弗，若人于一切法无我，如实知见²³⁵无我，一切法本来无所有空，能如实知无所有空，是则不以持戒为上、多闻为上、禅定为上。何以故？舍利弗，诸法实相无生无起，于中无法可为上者。舍利弗，是诸法如实中，无持戒者，无破戒者，何况贪著而以为上？舍利弗，是名诸佛阿耨多罗三藐三菩提，谓一切法无相、自相空、无我、无人。若有是忍，是名行者，是名得者。是人名为以信出家，应受供养清净布萨，是人则为人中之天。

“舍利弗，诸佛阿耨多罗三藐三菩提，唯是一义，所谓离也。何等为离？离诸欲、诸见。欲者即是无明，见者即是忆念。何以故？一切诸法忆念为本，所有念相²³⁶即为是见，见即是邪。舍利弗，善法中见，我亦说之名为邪见。何以故？舍利弗，离欲寂灭中无法无非法、无善无恶，是

²³⁵ 丽藏：知；永乐北藏及龙藏：知见

²³⁶ 丽藏：想；永乐北藏及龙藏：相

事皆空，远离诸结一切忆念，是故名离。舍利弗，无上道中诸欲永息。何等诸欲？谓邪不善念，若我若我所、作相事相。是名阿耨多罗三藐三菩提中诸欲永息。”

净见品第八

佛告舍利弗：“我念过世求阿耨多罗三藐三菩提，值三十亿佛，皆号释迦牟尼。我时皆作转轮圣王，尽形供养，及诸弟子衣服、饮食、卧具、医药，为求阿耨多罗三藐三菩提。而是诸佛不记我言：‘汝于来世当得作佛。’何以故？以我有所得故。

“舍利弗，我念过世得值八千佛，皆号定光。我时皆作转轮圣王，尽形供养，及诸弟子衣服、饮食、卧具、医药，为求阿耨多罗三藐三菩提。而是诸佛皆不记我：‘汝于来世当得作佛。’何以故？以我有所得故。

“舍利弗，我念过世值六万佛，皆号光明。我时皆作转轮圣王，尽形供养，及诸弟子衣服、饮食、卧具、医药，为求阿耨多罗三藐三菩提。而是诸佛亦不记我：‘汝于来世当得作佛。’何以故？以我有所得故。

“舍利弗，我念过世值三亿佛，皆号弗沙。我时皆作转轮圣王，四事供养，皆不记我，有²³⁷所得故。

“舍利弗，我念过世得值万八千佛，皆号山王，劫名上八。我皆于此万八千佛所，剃发法衣²³⁸，修习阿耨多罗三藐三菩提，皆不记我，以有所得故。

“舍利弗，我念过世得值五百佛，皆号华上。我时皆作转轮圣王，悉以一切供养诸佛及诸弟子，皆不记我，以有所得故。

“舍利弗，我念过世得值五百佛，皆号威德，我悉供养，皆不记我，以有所得故。

“舍利弗，我念过世得值三²³⁹千佛，皆号憍陈如。我时皆作转轮圣王，悉以一切供具供养诸佛，皆不记我，以有所得故。

“舍利弗，我念过世值九千佛，皆号迦叶。我以四事供养诸佛及弟子众，皆不记我，以有所得故。

“舍利弗，我念过去于万劫中无有佛出，尔时初五百劫，有九万辟支佛，我尽形寿，悉皆供

²³⁷ 丽藏：以有；永乐北藏及龙藏：有

²³⁸ 丽藏：着法衣；永乐北藏及龙藏：法衣

²³⁹ 丽藏：二；永乐北藏及龙藏：三

养衣服、饮食、卧具、医药，尊重赞叹。次五百劫，复以四事供养八万四千亿诸辟支佛，尊重赞叹。舍利弗，过是千劫已，无复辟支佛，我时阎浮提死，生梵世中作大梵王，如是展转五百劫中，常生梵世作大梵王，不生阎浮提。过是五百劫已，下生阎浮提，治化阎浮提，命终生四天王天，于中命终生忉利天，作释提桓因。如是展转满五百劫，生阎浮提满五百劫，生于梵世作大梵王。“舍利弗，我于九千劫中，但生²⁴⁰阎浮提，九千劫中但生天上，劫尽烧时生光音天，世界成已还生梵世，九千劫中都不生人中。舍利弗，是九千劫无有诸佛、辟支佛，多诸众生堕在恶道。

“舍利弗，是万劫过已，有佛出世，号²⁴¹普守如来、应供、正遍知、明行足、善逝、世间解、无上士、调御丈夫、天人师、佛、世尊。我于尔时梵世命终，生阎浮提作转轮圣王，号曰共天。人寿九万岁。我尽形寿以一切乐具，供养彼佛及九十亿比丘，于九万岁为求阿耨多罗三藐三菩提，是普守佛亦不记²⁴²我：‘汝于来世当得作佛。’何以故？我于尔时不能通达诸法实相，贪著计我有

²⁴⁰ 丽藏：一生；永乐北藏及龙藏：生

²⁴¹ 丽藏：号曰；永乐北藏及龙藏：号

²⁴² 丽藏：说；永乐北藏及龙藏：记

所得见。

“舍利弗，于是劫中有百佛出，名号各异。我时皆作转轮圣王，尽形供养及诸弟子，为求阿耨多罗三藐三菩提，而是诸佛亦不记我：‘汝于来世当得作佛。’以有所得故。

“舍利弗，我念过世第七百阿僧祇劫中，得值千佛，皆号阎浮檀。我尽形寿四事供养，亦不²⁴³记我，以有所得故。

“舍利弗，我念过世，亦于第七百阿僧祇劫中，得值六百二十万诸佛，皆号见一切义。我时皆作转轮圣王，以一切乐具尽形供养及诸弟子，亦不记我，以有所得故。

“舍利弗，我念过世亦于第七百阿僧祇劫中，得值八十四佛，皆号帝相。我时皆作转轮圣王，以一切乐具尽形供养及诸弟子，亦不记我，以有所得故。

“舍利弗，我念过世亦于第七百阿僧祇劫中，得值十²⁴⁴五佛，皆号日明。我时皆作转轮圣王，以一切乐具尽形供养及诸弟子，亦不记我，以有所得故。

“舍利弗，我念过世亦于第七百阿僧祇劫中，

²⁴³ 丽藏：无；永乐北藏及龙藏：不

²⁴⁴ 丽藏：六十；永乐北藏及龙藏：十

得值六十二佛，皆号善寂。我时皆作转轮圣王，以一切乐具尽形供养，亦不记我，以有所得故。如是展转乃至见锭²⁴⁵光佛，乃得无生忍，即记我言：‘汝于来世过阿僧祇劫，当得作佛，号释迦牟尼如来、应供、正遍知、明行足、善逝、世间解、无上士、调御丈夫、天人师、佛、世尊。’

“舍利弗，我念过世有十二亿转轮圣王，皆字顶生。又舍利弗，我念过²⁴⁶世有三十亿转轮圣王，皆名摩诃删²⁴⁷摩陀那。舍利弗，我念过世曾²⁴⁸见²⁴⁸有四十亿转轮圣王，皆字摩诃提婆。舍利弗，我念过世有一亿转轮圣王，皆字亿螺²⁴⁹。舍利弗，我念过世有一万²⁵⁰转轮圣王，皆字称尾²⁵¹。舍利弗，我念过世有一万转轮圣王，皆字照明。舍利弗，我念过世有二万转轮圣王，名字各异。舍利弗，我念过世有十六亿转轮圣王，名字各异。是诸王等，我于余处为阿难说。舍利弗，于意云何？汝谓是诸王者，岂异人乎？即我身是。

“舍利弗，我念过去时世有佛，号曰善明。弥勒菩萨时作转轮圣王，字曰照明，初发阿耨多

²⁴⁵ 丽藏：定；永乐北藏及龙藏：锭

²⁴⁶ 丽藏：过；永乐北藏及龙藏：我念过

²⁴⁷ 丽藏：那；永乐北藏及龙藏：删

²⁴⁸ 丽藏：世；永乐北藏及龙藏：世曾见

²⁴⁹ 丽藏：螺（律効反）；永乐北藏及龙藏：螺

²⁵⁰ 丽藏：亿；永乐北藏及龙藏：万

²⁵¹ 丽藏：尾（觅视反）；永乐北藏及龙藏：尾

罗三藐三菩提心，于时众生寿八万四千岁。其善明佛三会说法，初会九十六亿人一时得道；第二大会九十四亿人一时得道；第三大会九十二亿人一时得道。时王见佛，三会说法度人无量，心大欢喜，即于万岁，一切供养佛及弟子，发心求阿耨多罗三藐三菩提：‘于未来世，众生易度，我当成佛，寿命限量，比丘僧数，围绕如是。’舍利弗，我知是事过此无量。

“舍利弗，弥勒发心四十劫已，我乃发心。无胜佛所初种善根，我于千岁，一切乐具供养是佛，五百张氎²⁵²而以奉上。是佛灭后起七宝塔，高一由旬，纵广半由旬，皆以金银、琉璃、玻瓈、砗磲、码瑙²⁵³、赤真珠所成。心常发愿：‘众生苦恼无救度者，遭值恶法多堕恶趣，我于尔时当成佛道。’

“舍利弗，汝且观之，阿耨多罗三藐三菩提甚难修习。舍利弗，我修习阿耨多罗三藐三菩提，无央数世受诸苦恼，我若说者汝闻愁闷，我诸所受勤苦忧恼，皆为求²⁵⁴阿耨多罗三藐三菩提。舍利弗，汝观萨和檀菩萨、求善法菩萨、常悲菩萨、

²⁵² 丽藏：迭；永乐北藏及龙藏：氎

²⁵³ 丽藏：颇梨、车口、马瑙；永乐北藏及龙藏：玻瓈、砗磲、码瑙

²⁵⁴ 丽藏：求得；永乐北藏及龙藏：求

不放逸菩萨、常精进菩萨，供养若干诸佛受诸苦恼，犹尚难得阿耨多罗三藐三菩提，何况是诸痴人乃无一念为求涅槃？舍利弗，如是行者犹尚甚难，况不行者？

“是故，舍利弗，我今明了告汝，以下法者不得上法，用上法者乃得上法。何等下法？谓身恶业、口恶业、意恶业。下法名为不能勤心修习善法；下法名为懈怠、**懒惰**²⁵⁵、破所受戒。舍利弗，是名下中下者。又下中下者，于我法中出家，生有所得见、我见、人见、众生见。何以故？舍利弗，如来于此了了**见**²⁵⁶知，有所得者乃无顺忍，况得道果？舍利弗，若有所得者，百千万亿诸佛以三轮示现，是人若当不舍是见，尚不消人一口饮食，况得道果？

“舍利弗，我见、人见得涅槃者，一切凡夫皆应灭度。何以故？我见、人见皆是邪见。诸凡夫人，多贪著我、我所见、人见、众生见。是故一切凡夫应得涅槃。

“舍利弗，若人作念有我、有人，是人若当不舍是见得入涅槃，一切凡夫应得圣道。何以故？一切凡夫皆是我见、人见。是故我见、人见入涅

²⁵⁵ 丽藏：懒堕；永乐北藏及龙藏：懒惰

²⁵⁶ 丽藏：现；永乐北藏及龙藏：见

槃者，一切凡夫皆入圣道，于圣道中则无所少。

“舍利弗，若人作念：‘有我见者，则有涅槃。是人即²⁵⁷是圣道，不须余念。何以故？一切凡夫我见、人见无所少故。’如是痴人有是过失，谓诸凡夫皆入圣道，圣道无系。是人修时应当杀生，受诸五欲，起五逆罪。是故，痴人于圣道中有五逆罪。何以故？一切凡夫皆说有我、有众生故。若人作如是言：‘成就五逆罪者不入涅槃，说我、人者得入涅槃。’即是妄语，亦是谤佛，于我法中，又不能得清净出家。

“舍利弗，我今明了告汝，有所得者无有涅槃。有所得者若有涅槃，是则诸佛不出于世，一切凡夫皆入涅槃。何以故？一切凡夫皆有我见、人见，皆有所得，皆是邪见。

“舍利弗，汝且观我，几时成就有所得见非贤圣行，诸佛不与我授记言：‘汝于来世当得作佛。’舍利弗，我如是行犹不得记，况是痴人但以持戒、多闻、禅定等生我见、人见、众生见？舍利弗，我说此人不名行者，不名得者。何以故？舍利弗，长夜贪著如是邪见，不得灭度故。如是痴人不作是念：‘我等何不试行修习无我人法？’

²⁵⁷ 丽藏：得；永乐北藏及龙藏：即

我等或得断众苦聚。’舍利弗，譬如从生盲人，走避恶狗堕深大²⁵⁸坑。舍利弗，我谓痴人如是修习我见、人见、有所得见，以是诸见欲望清净；是人随所贪著，即以是事欲得涅槃，我说是人当堕恶道。

“舍利弗，譬如盲人于深大²⁵⁹坑生安隐心，如是痴人于我、人见、有所得见生安隐心。是人长夜随所著者，为之欺诳还著是事，于我法中而受供养，如是痴人长夜衰恼堕恶道中。

“舍利弗，譬如大灌顶王，自于所治国中威势自在，是人应夺，是人应驱。若诸民众不顺王意，说王过恶沮坏人心，不能护城谋欲反叛。王知是人为是大贼，于大众中打恶声鼓，苦治其罪驱摈令出，以其不能尽忠护城，得是苦恼。舍利弗，佛亦如是，于无量劫修习阿耨多罗三藐三菩提，为大法王，于法国土有大威力。诸弟子中有知法味，乃至失命不毁我教，诸天世人无能坏者；所受教中，自不恶逆，亦不教他。我于众中有大威力，自在立教为护法城，不使恶贼毁坏得入，窃受如来所说密法，向诸怨贼邪见者说。

“舍利弗，如来现在善护法城，四大弟子智

²⁵⁸ 丽藏：火；永乐北藏及龙藏：大

²⁵⁹ 丽藏：火；永乐北藏及龙藏：大

慧深远，²⁶⁰令我法城不惧破坏。若与法城作障碍者，为是大贼，毁坏法城，盗我密法向外道说。是人常来至于我所，我与共语，示其教法，不说密要。是人为求所示教法，出家受戒。我知此人后应得道，听使出家，四月中试。何以故？为护法城故，又使未来世贼不更起故。如是如来善护法城使不得便，所谓令受佛教舍本恶邪，诸比丘众皆应欢喜，听使出家得受戒已，天人世间不能转动²⁶¹。

“舍利弗，何等是可试者？谓外道人及乐外道法者。舍利弗，何等是乐外道法？所谓有所得者、我见²⁶²人见者、众生见者、贪著²⁶³邪者、于自相空法中²⁶⁴心生疑者，受行种种邪虚妄法，不能入于第一义空，行诸邪道，其²⁶⁵人名为乐外道法。

“舍利弗，不可试以种种色衣，若白衣人，若著袈裟。有如是不善有所得见，皆名外道。于我法中出家受戒，是人应试。何以故？有所得者，于我法中即是邪见，是名大贼。一切世间天人中

²⁶⁰ 丽藏：今；永乐北藏及龙藏：令

²⁶¹ 丽藏：动转；永乐北藏及龙藏：转动

²⁶² 丽藏：见者；永乐北藏及龙藏：见

²⁶³ 丽藏：者；永乐北藏及龙藏：着

²⁶⁴ 丽藏：法；永乐北藏及龙藏：法中

²⁶⁵ 丽藏：是；永乐北藏及龙藏：其

贼，是名一切世间怨家、诸佛大贼。舍利弗，是邪见人，我则不听出家受戒。

“舍利弗，一切法无我，若人于中不能生忍，一切法空、无我、无人、无众生、无寿命不能信解，于我法中所受供养，名为不净。是人则是不供养佛、不供养法、不供养僧。强入我法，形是沙门，心是外道，为盗法人。

“舍利弗，于未来世，当有比丘不修身、不修戒、不修心、不修慧。是人轻笑如来所说、如来所行。如来常于第一义空，恭敬供养，常乐是行。是诸比丘，轻笑如来所行真际毕竟空法。舍利弗，尔时若有苦行比丘，亦共轻笑。今²⁶⁶我弟子有行空者，我赞其善，安慰其心。尔时，是人轻笑行空²⁶⁷，但求不牢坚²⁶⁸事，以有我及有诸法如是等事，令众心喜。若说一切诸法空者，亦轻是人。何以故？舍利弗，法应尔也！众生善根欲断，本相则现，真实妙法在于世间无有受者。譬如痴人，以栴檀香同于猥木。

“舍利弗，迦叶佛说：‘未来世中，释迦牟尼佛诸弟子众，以利养故，为诸白衣说第一义空。

²⁶⁶ 丽藏：今；永乐北藏及龙藏：令；校勘：今

²⁶⁷ 丽藏：轻蔑空行；永乐北藏及龙藏：轻笑行空

²⁶⁸ 丽藏：坚牢；永乐北藏及龙藏：牢坚

尔时，多有在家、出家，愚痴不受，违逆不信，而反诽谤，失于大利。以是因缘，当堕恶道。’

“舍利弗，尔时多有相违诤论，我论、人论、众生论、寿者论、命者论，善法欲少，但乐利养，实是愚痴自谓有智，互相违逆，常共诤说²⁶⁹，乐有断事，生怨嫉心。是人舍沙门法，但求利养，多乐事务，所营非一，常乐伺求他人长短，自隐其过，称说功德，如今比丘覆藏功德，自出过恶。当尔之时，咸共不能护持重戒，无所晓故破于义利²⁷⁰，而言：‘诸法空、自相空，何所能作？’如那罗戏人种种变现，无所知者见之大笑。何以故？不解²⁷¹戏法其术隐故，生希有心惊怪大笑。如是，舍利弗，尔时真实比丘说空寂法，求活命者咸共嗤笑。何以故？是人不知佛法义故，闻说空法惊疑怖畏。舍利弗，汝观此人，于安隐处生衰恼心，于衰恼处生安隐心，是人颠倒逆行善法，顺行恶法。舍利弗，如是痴人，多怀悭贪、瞋恚、愚痴，具行三不善根。

“舍利弗，我为利益持戒比丘故，说二百五十戒经。如是痴人，乃以世间小因缘故，向在家

²⁶⁹ 丽藏：讼；永乐北藏及龙藏：说

²⁷⁰ 丽藏：仪则；永乐北藏及龙藏：义利

²⁷¹ 丽藏：知；永乐北藏及龙藏：解

者说，乃至书写以示白衣。舍利弗，如是痴人说言：‘诸法空、自相空，何所能作？’何以故？如是痴人，尚不能除慳贪烦恼，何况能断无明？

“舍利弗，尔时持律比丘不能善学，诸说法者亦不善学，**赞修多罗**²⁷²者亦不善学。舍利弗，云何名为持律比丘不能善学？如来经中说有三学：善戒学、善心学、善慧学。是人于三学中不能善学，但以多闻因缘轻慢他人，是人则为障碍善法。如是痴人，犹尚不能如法答问，况于毕竟空无所有中能发精进？

“舍利弗，尔时，破戒比丘乐为白衣执事，宣通使命，疗治病法，以自生活。舍利弗，汝今观此恶人，于我法中出家受戒，得受供养，而反以我为怨。舍利弗，尔时，四天王、释提桓因、大梵天王，乃至百千万亿诸天，见我法中如是毁坏，皆大忧愁，啼泣涕零。舍利弗，是实不应依止于我，而为白衣营执事务。何以故？释迦牟尼佛弟子，乃至诸天龙神犹尚不应为作给使，诸天龙神于我弟子与作给使。如是痴人所亲近白衣，若能修习通达诸法第一义空，无有是处。

“舍利弗，尔时，破戒比丘乃至为得**大**²⁷³杯

²⁷² 丽藏：读诵修妬路；永乐北藏及龙藏：赞修多罗

²⁷³ 丽藏：一；永乐北藏及龙藏：大

酒故，与诸白衣演说佛法。于意云何？多贪恚痴，多乐读经贪外经利，行不清净，是人能得信解无所有毕竟空法，能得具足沙门果不？”

“不也。世尊！”

“舍利弗，若有比丘，趣得衣服、饮食、卧具、医药，持戒清净，不乐²⁷⁴ 闹散乱²⁷⁵ 语言²⁷⁵，不贪外义，昼夜精勤如救头然，一心勤行八直圣道，是人于空无所得法尚难通达，况是痴人，无有深欲，无有信解？舍利弗，汝观是人，不知如来无上义故破我正法，自为己身及为他人作大衰恼。如是大贼，世间怨家，此经中说，应当远离。是人于佛尚不知恩，自念：‘我等所为出家，于此法中不应行处则不应行。’是故，舍利弗，如来欲使未来世中止此恶故，说如是经。若有比丘破所受戒，毁破威仪及破正见，得闻是经怖畏反戒。何以故？破戒之人，不应于弹指顷住圣人相在袈裟中。若闻是经心欢喜者，是人名为供养诸佛，守护佛道。何以故？舍利弗，是名佛道真际。善男子²⁷⁶、善女人欲得沙门法者，为听是经，应过百千万亿由旬。何以故？诸佛如来久乃出世，

²⁷⁴ 丽藏：众；永乐北藏及龙藏：愤

²⁷⁵ 丽藏：语言；永乐北藏及龙藏：言语

²⁷⁶ 丽藏：若善男子；永乐北藏及龙藏：善男子

虽出于世，时乃说之。”

佛藏经卷第三

佛藏经卷第四

姚秦三藏法师鸠摩罗什译

了戒品第九

佛告舍利弗：“有三种人，闻说是经心不喜乐。何等为三²⁷⁷？一者、破戒比丘；二者、增上慢人；三者、不净说法及贪著我者。是人远离于此随顺实相深经，具足充满生盲部党。是故，舍利弗，我以是经重嘱累汝。所以者何？是经于如来灭后，能令清净持戒比丘心生喜乐。如是深经，清净戒者常所摄持，毁破戒者常所远离。所以者何？痴人闻说真实正语，则以为苦。

“舍利弗，破戒比丘所成相貌，如来于此已具广说。舍利弗，破戒比丘法应不乐持戒律仪；愚痴之人不喜智慧；悭人不欲闻说布施；增上慢人者²⁷⁸不欲闻此无憍慢法，若闻惊畏如堕深坑；好世利者贪著美味，闻呵咿²⁷⁹食心则忧恼；若人好读外道²⁸⁰经书者，则于其中生坚实想；贪著语

²⁷⁷ 丽藏：三；永乐北藏及龙藏：为三

²⁷⁸ 丽藏：者；永乐北藏及龙藏：人者

²⁷⁹ 丽藏：诃訾；永乐北藏及龙藏：呵咿

²⁸⁰ 丽藏：外；永乐北藏及龙藏：外道

者，乐说散乱，乐说²⁸¹严饰辞；巧美说者，于佛第一义则无净心，又于此法不敬不信。舍利弗，譬如不男之人无男子用，至男子中生不男想，而作是念：‘是诸人等如我无异。’如是好看外道²⁸²书者，常乐严饰巧美文辞，于佛第一义心不恭敬。舍利弗，其中有人说清净经，于此人所亦不恭敬，轻慢清净持戒比丘。何以故？舍利弗，外道经书无真实语，法应憍慢、贡高、自大。何以故？是事不为厌离、不为寂灭、不为得道、不为涅槃，是人毁坏信等根²⁸³故，于一切处不信有功德，如不男人于诸人中皆谓如己。

“舍利弗，如生盲人不见诸色，所谓黑色、白色，不见黑白色者；不见好色，不见丑色；不见青、黄、赤、白、红、紫、缥色；不见长短、粗细、深浅等色；不见日月星宿，不见日月星宿者。如是盲人便作是念：‘无黑白色，无见黑白色者，无好无丑²⁸⁴色，无青黄紫缥、长短粗细深浅、日月星宿色，无见日月星宿者，余人皆亦如我²⁸⁵！’盲人心倒，于一切处皆为²⁸⁶黑暗。舍利弗，

²⁸¹ 丽藏：乐说；永乐北藏及龙藏：乐

²⁸² 丽藏：著外经；永乐北藏及龙藏：看外道

²⁸³ 丽藏：善根；永乐北藏及龙藏：根

²⁸⁴ 丽藏：丑；永乐北藏及龙藏：无丑

²⁸⁵ 丽藏：是；永乐北藏及龙藏：我

²⁸⁶ 丽藏：谓；永乐北藏及龙藏：为

破戒比丘、增上慢人、随²⁸⁷外道论比丘亦复如是，于深佛法心不信乐，不能通达；闻诸法空无所有，不信不乐，不能通达。舍利弗，如是诸人，畏于汝等，入邪际中，不得正法，以是正法名为真实沙门。汝所得法，是人不信，犹如盲人谓无黑白²⁸⁸等色。

“舍利弗，是人如是入于邪际，求外道论，乐众闹语，增长烦恼、恶性、恶法，是人不能信诸法空，何况通达？舍利弗，于意云何？野干作师子，为能已吼、今吼、当吼？作师子行，今行、当行、已行不？”

“不也。世尊！何以故？野干色力音声不及师子，野干但能作野干声，若欲作声，但有野干声出，非师子声。”

“如是，舍利弗，破戒比丘、增上慢比丘自以此事为上，不净说法者受尼捷²⁸⁹子论，若执一事坚持不舍，贪贵世利乐读经书，不能通晓²⁹⁰诸法实相。若能信受无相法者，无有是处。

“舍利弗，若有比丘，耆年有德，比丘中龙，有深智慧，是人能信无所有自相空法、无我无人

²⁸⁷ 丽藏：堕；永乐北藏及龙藏：随

²⁸⁸ 丽藏：白黑；永乐北藏及龙藏：黑白

²⁸⁹ 丽藏：捷；永乐北藏及龙藏：捷

²⁹⁰ 丽藏：达；永乐北藏及龙藏：晓

法。何以故？是人乐众闹杂语，不乐读经睡眠多事；不为白衣营执事务；不为使命持送文书；不行医术、不读医方、不为贩卖、不乐论说世间语言；但乐欲说出世间语。是人能信一切法空，于一切法不起不坏。是人则能证真实际，则能如实正师子吼，非野干吼。

“舍利弗，若有比丘著外经义，是人为舍微妙佛法，诵持外道语言为大众说，但作野干吼。舍利弗，如是恶人名为朽坏沙门。何以故？是外道义，非佛法故。

“舍利弗，著外道法比丘，不应自称是佛弟子。何以故？沙门释子不说尼²⁹¹捷子语，于大众中但说佛语。舍利弗，若人著不净语，欲作师子吼，但作野干鸣，是人不能解佛法第一义。

“舍利弗，我今明了告汝，若人具足持戒、禅定、智慧，不悭不贪，不染恚痴，不怀谄曲，有厌恶心，言必真实，常乐独处，不乐睡眠，乐空无相无愿、无生无灭行，生离欲心，求解佛法第一义，不好世语，乐出世语，尽持诸戒，一切恶事及恶知识悉皆远离，住如是法，则能解空无所有法。何以故？舍利弗，是行名为大人所行，

²⁹¹ 丽藏：捷；永乐北藏及龙藏：捷

非是贪乐利养所行，非是愚痴常人所行，非是败坏沙门所行，非是糠糟²⁹²沙门所行，非是假名沙门所行。

“舍利弗，诸法实相毕竟空寂，即是佛道；好世财利贪说不净法者，所不能及。舍利弗，是地名为大智者地，非是贪乐外道者地，非是²⁹³说我见人见者地。

“舍利弗，若实有我有人者，说我人者应有实相。如实应问：‘若有我者，为是何色？青黄赤白？为在身中？为在身外？为遍在身，如油在麻？’舍利弗，麻中有油，可出可示。若我在内说有我者，应说：‘应示。如从麻中出油示油。’第一义中求我不可得，是故当知，若说有我人者，是人犹尚无沙门戒，况沙门地？

“舍利弗，当知如是邪贪著者，所谓著我、著众生、著寿命者，则为堕顶。是人如是邪贪著故，尚不能除贪利养心，况细烦恼？舍利弗，通达空者，若为贪欲、瞋恚、愚痴、利养所覆，无有是处，亦不堕顶。

“舍利弗，计我心者谓有寿命，寿命因缘故，则为利养所牵，障碍于道。舍利弗，我见者、人

²⁹² 丽藏：糟糠；永乐北藏及龙藏：糠糟

²⁹³ 丽藏：非；永乐北藏及龙藏：非是

见者，虽于我法出家为道，如是痴人于清净法²⁹⁴中则非出家。何以故？尼捷²⁹⁵子出家，皆计我心有所得故。舍利弗，有所得者，从无始世常有此见，若得出家犹有不绝，是名因外道出家，不名因圣法出家。何以故？弊人不能信乐大法，于清净大法无有²⁹⁶真实相²⁹⁷。

“舍利弗，如是破法重罪因缘余殃未尽，不能信解诸法实相，起大苦²⁹⁸业。或谤八直圣道；或于净戒比丘而生恶心，妄出其过；或言破戒、破见、破命、破威仪；或不见他过妄生是非；或以浊恚嫉心说他恶名；或不能知佛经义理谓非佛法。如是恶人成就破法恶业，于佛第一义中，心不通达，不入不喜²⁹⁹，如是重罪余报因缘，虽勤精进，犹尚不能取所缘相，何况系心能得道果？又深依止我见人见如是见者，乃至诸佛犹亦不能拔其根本，何况声闻？”

“舍利弗，若人有如是贪著不善邪见，谓我见、人见、众生见、寿者见、命者见，又于第一义空惊疑畏者，当知是人先世成就破法罪缘。舍

²⁹⁴ 丽藏：清净；永乐北藏及龙藏：清净法

²⁹⁵ 丽藏：捷；永乐北藏及龙藏：捷

²⁹⁶ 丽藏：无；永乐北藏及龙藏：无有

²⁹⁷ 丽藏：想；永乐北藏及龙藏：相

²⁹⁸ 丽藏：不善；永乐北藏及龙藏：大苦

²⁹⁹ 丽藏：喜；永乐北藏及龙藏：善；校勘：喜

利弗，若人如是贪著恶邪不善，谓贪我、贪人、贪寿命者，是人虽³⁰⁰百千亿诸佛以三轮示现，不能令悟使得道果。

“舍利弗，宁以利刀割舌，不应不见他事妄说其过——破戒、破见、破命、破威仪。舍利弗，于未来世，当有比丘善护二百五十戒，是人懈³⁰¹慢心生，而作是念：‘我是持戒，余人不尔！’轻于他人，心无恭敬。‘我是多闻，彼非多闻。’舍利弗，尔时多有比丘，但贵持戒，多行阿兰若行，善护³⁰²戒品，亦随³⁰³所说行，勤心读经，求通佛法。如是人等，生多闻慢、阿练若慢，而好瞋恚，心常垢浊，深怀悭贪瞋恚毒心，顽钝无知，以小因缘而起大事。是人瞋恚覆心，互相出过，谓破戒、破见、破命、破威仪。舍利弗，如是僧中有好比丘，心无偏党处在中间，而亦谓³⁰⁴之在彼恶中，互相讥论，诤讼不息，不得安隐坐禅读经，在家出家皆亦扰³⁰⁵动。

“如是，舍利弗，尔时多有比丘，一岁、二岁、三岁乃至九岁，轻慢上座无有恭敬。是人出

³⁰⁰ 丽藏：是人；永乐北藏及龙藏：是人虽

³⁰¹ 丽藏：我；永乐北藏及龙藏：懈

³⁰² 丽藏：能善护；永乐北藏及龙藏：善护

³⁰³ 丽藏：随；永乐北藏及龙藏：亦随

³⁰⁴ 丽藏：同；永乐北藏及龙藏：谓

³⁰⁵ 丽藏：烧；永乐北藏及龙藏：扰

家受戒多不如法，习效和尚³⁰⁶、阿阇黎³⁰⁷亦无恭敬。舍利弗，尔时年少比丘及先出家，无有依止，共相轻慢十岁比丘所畜徒众，其诸徒众皆无恭敬，威仪法则亦不如法。舍利弗，时诸恶人，具足贪欲、瞋恚、愚痴，互相轻慢，无有恭敬，相违逆故我法则灭。舍利弗，时诸痴人多起破法罪业，起此罪已，当堕地狱³⁰⁸。

“舍利弗，我今明了告汝，求自利己善比丘，当尔之时不应入众，乃至一宿；唯除阿罗汉，烦恼已断，及病比丘，于中有缘。何以故？舍利弗，当尔时人，贪欲、瞋恚、愚痴毒盛，不活怖畏常所逼切，求利善人当³⁰⁹应自处山林空静，乃至毕命如野兽死。

“舍利弗，我今明了告汝，我此真法不久住世。何以故？众生福德善根已尽，浊世在近，求自利己³¹⁰善比丘应生如是厌心：‘我当云何？见法破乱、见此沙门恶世难时，我当勤心精进早得道果。’

“舍利弗，我法无诸难事，不³¹¹乏衣食、卧

³⁰⁶ 丽藏：上；永乐北藏及龙藏：尚

³⁰⁷ 丽藏：梨；永乐北藏及龙藏：黎

³⁰⁸ 丽藏：恶道；永乐北藏及龙藏：地狱

³⁰⁹ 丽藏：常；永乐北藏及龙藏：当

³¹⁰ 丽藏：利；永乐北藏及龙藏：利己

³¹¹ 丽藏：念；永乐北藏及龙藏：乏

具、医药，汝等但当勤行佛道，莫贵世间财利供养。舍利弗，汝今善听！我当语汝！若有一心行道比丘，千亿天神皆共同心，以诸乐具欲共供养。舍利弗，诸人供养坐禅比丘不及天神。是故，舍利弗，汝勿忧念不得自供养³¹²。佛真教化当随顺行，莫以第一义空出入³¹³过恶。何以故？舍利弗，大险难者所谓得空。或有比丘因以我法出家受戒，于此法中勤行精进，虽诸天神、诸人不念，但能一心勤行道者，终亦不念衣食所须。所以者何？如来福藏无量难尽。

“舍利弗，如来灭后，白毫相中百千亿分，其中一分供养舍利及诸弟子。舍利弗，设使一切世间人，皆共出家随顺法行，于白毫相百千亿分不尽其一。舍利弗，如来如是无量福德，若诸比丘所得饮食及所须物趣得皆足。舍利弗，是诸比丘应如是念：‘不应于所须物行诸邪命恶法。’

“舍利弗，若纳衣比丘，于粪扫中拾取弊故，应生是心：‘以此障寒及修圣道，我今以此弊故，缝作僧伽黎³¹⁴著，勤行精进。若以凡夫，乃至一夜不应著此。’是比丘净洗³¹⁵缝著。若此比丘于

³¹² 丽藏：供；永乐北藏及龙藏：供养

³¹³ 丽藏：人；永乐北藏及龙藏：入

³¹⁴ 丽藏：梨；永乐北藏及龙藏：黎

³¹⁵ 丽藏：浣；永乐北藏及龙藏：洗

此纳衣生贪著意³¹⁶，即应舍之，我不听著，何况余衣？何以故？舍利弗，是比丘于此衣中，生非比丘法。是比丘不复应著，何况余物？舍利弗，时是³¹⁷比丘宁以赤热铁鍱自缠其身，不应著此纳衣。何以故？于此衣中染爱心故。

“舍利弗，纳衣比丘应作是念：‘著此纳衣，以遮寒热以助修道，我今不复更著余衣，当得须陀洹果、斯陀含果、阿那含果、阿罗汉果。’舍利弗，如是纳衣比丘专求道者，我则听著。

“舍利弗，乞食比丘，应诸法中无所分别，常摄其心不令散乱而入聚落，以诸禅定而自庄严，乞食得已心无³¹⁸染污，持所得食从聚落出，在净水边可修道处，置食一面，洗脚而坐，以食著前，应生厌离想、不净想、屎尿想、臭烂想、变吐想、涂疮想、厌恶想、子肉想、臭果想、沉重想。又于身中应生死想、青想、胀³¹⁹想、烂坏想。舍利弗，比丘应生如是想，以无贪著心然后乃食，但以支身除饥渴病，令得修道。应作是念：‘我食此食，破先苦恼不生后苦，心得快乐调适无患，身体轻便行步安隐。’又念：‘食此食已，我应当

³¹⁶ 丽藏：心；永乐北藏及龙藏：意

³¹⁷ 丽藏：是时；永乐北藏及龙藏：时是

³¹⁸ 丽藏：不；永乐北藏及龙藏：无

³¹⁹ 丽藏：脓；永乐北藏及龙藏：胀

得须陀洹果、斯陀含果、阿那含果、阿罗汉果、无生法忍。’舍利弗，比丘如是食者，我听乞食。

“舍利弗，若乞食比丘，于所得食生贪味心，以为甘美而作是念：‘我食此食，当得好色气力充盛。’不作是念：‘我食此食勤行圣道。’如是比丘我乃不听受一饮水，何况饮³²⁰食？

“舍利弗，若于食中，不见过恶，不见出道，而便食者，宁自以手割股肉噉。何以故？我听行者、得者受他供养，不听余人。舍利弗，云何名为行者？若有比丘决定发心：‘我于今世断诸结使，当入无余涅槃。’修习圣道如救头然，又当除断不善恶法，是名行者；又能一心信解空、无相、无愿，为得须陀洹果、斯陀含果、阿那含果、阿罗汉果断诸烦恼，名为行者；求诸善法常行咨问，名为行者；又能发心度脱一切，名为行者；勤心修习诸助道法，于诸法³²¹中如说而行，及有一心求佛道者，舍利弗，于佛法中是名行者。

“何谓得者？谓得须陀洹脱三恶道，名为得者。斯陀含、阿那含、阿罗汉，断诸烦恼，求道已息，所作已办，善学三学，是名得者。我听是人得受供养，是人若受供养，是名善受供养。

³²⁰ 丽藏：饭；永乐北藏及龙藏：饮

³²¹ 丽藏：经；永乐北藏及龙藏：法

“舍利弗，清净持戒者、开化檀越者及修多闻读诵经者，谓读修多罗、祇夜³²²、授记经、伽陀、优³²³陀那、尼陀那如是诸经、本生经、方广经、未曾有经、阿波陀那、论议经，是人久³²⁴能清净持戒，无有瑕疵，不垢不浊，自在不著，智者所赞，能自具足，随顺禅定，常³²⁵乐坐禅，如是比丘我亦听受供养。

“舍利弗，身证法者无有疑悔，我听是人高座说法。虽是凡夫清净持戒，心不贪著外道经义，一心勤求沙门上果，不贪利养善巧定说，多闻广喻犹如大海，乃至失命犹不妄语，不乐诤讼自利利他，唯说清净第一实义，所说如是亦如是行。舍利弗，如是说者我听说法。

“如来所说能使诸法不相违逆，谓说戒、定、慧、解脱、解脱知见。舍利弗，求利比丘，为佛出家而破戒品，何用说法？何以故？舍利弗，我经中说：‘若人自不善寂，自不能护，能令他人善寂自护，无有是处。如人自没污泥，欲出他人，无有是处。若人能自善寂，能自护，能³²⁶出污泥，

³²² 丽藏：读诵修妬路、岐夜；永乐北藏及龙藏：读修多罗、祇夜

³²³ 丽藏：忧；永乐北藏及龙藏：优

³²⁴ 丽藏：又；永乐北藏及龙藏：久

³²⁵ 丽藏：时时；永乐北藏及龙藏：常

³²⁶ 丽藏：能；永乐北藏及龙藏：能自护，能

欲出他人，则有是处。’是故，舍利弗，我今明了告汝，诽谤如来其罪不轻，实语比丘应听说法，非妄语者持戒比丘，则能法施。

“舍利弗，高座说法决定断疑，最是上事。若持戒不净著外道义，我则不听。及妄语者、贵世乐者、求利养者、乐诤讼者，我则³²⁷不听。我听净持戒者、质直心者、通达诸法实相者，高座说法。

“舍利弗，破戒比丘宁当舍戒，不著圣人相袈裟覆藏罪垢，密作众恶受人信施。舍利弗，云何以³²⁸小因缘而于久远受地狱身？”

嘱累品第十

尔时，阿难白佛言：“世尊！当尔世时，诸比丘等于善法中云何精进？”

佛告阿难：“且置莫问！所以者何？佛无量智所说经典，尔时比丘尚不能信，况能勤行？阿难，如来于有为法中所有智慧，一切辟支佛、阿罗汉等不能得³²⁹解知。阿难，如来所知法，若为汝说，汝则迷闷，何况是人当能信之？如来于今

³²⁷ 丽藏：亦；永乐北藏及龙藏：则

³²⁸ 丽藏：以；永乐北藏及龙藏：云何以

³²⁹ 丽藏：能；永乐北藏及龙藏：能得

说如是经，尔时痴人犹尚不信，何况能信³³⁰所说罪报？阿难，法应尔³³¹！自身是恶谓余亦恶，如今第一懈怠比丘，尔时第一精进比丘所不能及，若所持戒威仪智慧不得相比。如来若说此人所行一切过恶转身所受，是人不信，更起重罪。汝等若闻亦得忧怖，不能量其所受罪恶。阿难，如来深法受者难有。于意云何？好床茵褥，豚子乐不？”

“不也。世尊！”

“阿难，我阿耨多罗三藐三菩提此法深妙，智者所乐，是人不能信解通达，得出家已，自称沙门，不能堪受如实教化，于此法中不能修心，不得滋味，振手而去堕在恶道，犹如豚子舍好床褥。何以故？阿难，是我阿耨多罗三藐三菩提甚深清净，非难化者所能信解，难降伏者、无智慧者、难满者、难养者、破戒者、难与语者、住邪法者、行邪行者、贵财利者、以衣食为上者、破威仪者、破戒德者、堕顶者、弊恶者、懈怠者、小欲者、小精进者、无羞者、耐羞者、忽忽营事业者、沙门中旃陀罗、沙门中白衣、沙门中败坏、沙门中行邪道者、非沙门自言是沙门者、魔所吞

³³⁰ 丽藏：信；永乐北藏及龙藏：行；校勘：信

³³¹ 丽藏：当尔；永乐北藏及龙藏：尔

者、与外道义合者、不如说行者、乐众闹者、乐散乱语者、具有魔事者、魔³³²衰恼者、烦恼炽盛者，我见者、人见者、众生见者、颠倒者，于我此法若能信解通达，无有是处。何以故？阿难，我阿耨多罗三藐三菩提清净快乐³³³，与此恶人不相称可。阿难，譬如百千亿三千大千世界中间旷远，此弊恶人远沙门法犹尚如是，况除烦恼³³⁴得涅槃？

“阿难，如此事者，说不可尽。当来沙门，弊恶鄙贱，深怀悭贪，深怀瞋恚，深怀不信，三毒炽盛，心行粗犷，难可制御。阿难，譬如良田善熟，以火自烧，甘膳³³⁵美食而自著毒；舍宅所有以火自焚，为应尔不？”

“不也。世尊！”

“阿难，如是未来世痴人，因以我法得受供养，而不信解如来功德，又不能信如是等经，不能堪忍如实说过，自知疮疣而逆我语。如是痴人依佛自活，而逆是法。阿难，尔时阎浮提内，如是痴人充满其中。阿难，且置！何用求此愚痴恶人徒生徒老所行恶事？”

³³² 丽藏：魔所；永乐北藏及龙藏：魔

³³³ 丽藏：大；永乐北藏及龙藏：乐

³³⁴ 丽藏：得顺忍？况；永乐北藏及龙藏：除烦恼

³³⁵ 丽藏：膳；永乐北藏及龙藏：膳

尔时，阿难白佛言：“世尊！当何名此经？云何奉持？”

佛告阿难：“此经名为佛藏，亦名发起精进，亦名降伏破戒，亦名选择诸法。当奉持之。

“阿难，若人诵持是经，所得功德无量无边。所以者何？破戒比丘尚不能信、读诵教人，况于是中得欢喜心？何以故？阿难，譬如恶贼于王、大臣，不敢自现盗他物者，不自言贼。如是，阿难，破戒比丘成就非沙门法，尚不自言是恶，况能向余人说，自言罪人？阿难，如是经者，破戒比丘随得闻时，能自降伏则有惭愧，持戒比丘得自增长。”

说是经时，无数诸天于诸法中得法眼净，恶魔及诸眷属皆大忧恼，如堕十六种火³³⁶坑，大啼哭言：“瞿昙沙门知我觉我，我常长夜。愿佛灭后，破持戒者、助破戒者，欲令诸恶比丘不知佛法，但知读诵。我欲于佛法中破安隐心，语言此非佛法无有义趣。瞿昙于今在诸天人大众之中，守护是法，遮我所愿。”魔说此已，心怀忧³³⁷恼忽然不现。

尔时，世尊欲明了此事，而说偈言：

³³⁶ 丽藏：大；永乐北藏及龙藏：火

³³⁷ 丽藏：怀忧愁；永乐北藏及龙藏：心怀忧

我所说诸法 随顺第一义
有为不坚牢 如梦之所见
我今说此法 呵责未来事
随顺第一义 防制诸恶人
尔时恶世中 比丘心扰³³⁸动
诤讼生是非 不能得涅槃
沙门及白衣 所说无有异
尔时我此法 与俗法无别
为诸在家说 汝知我希有
我得于佛法 初道第一果
更有比丘言 我说不异是
此人与我同 我真见法者
见法不见者 为致白衣故
各于自法中 而生其议论
有言一切有 有言一切空
不住于正道 性恶毁我法
汝勿近是人 可来亲附我
为汝说真法 如我疾得道
如是诸音声 流布于远近
同心相党助 破我所教法
譬如诸恶贼 同恶共为侣

³³⁸ 丽藏：烧；永乐北藏及龙藏：扰

返³³⁹逆破国土 城邑及聚落
尔时诸比丘 难可得开化
钝根深贪著 少³⁴⁰智依我人
不解于如来 随宜所说法
说有漏增上 自言是得道
在于大会中 多有诸比丘
皆言有智慧 求智无一人
若是大会中 或有一比丘
如实有智慧 皆呵言无智
诸天神等见 法王道散坏
咸皆怀忧恼 相对而啼泣
中有诸树神 从树而堕地
咸言释师子 妙法今悉坏
佛宝法僧宝 在世犹未久
如何于³⁴¹今日 悉皆当散坏
我等不复闻 如来所说法
痴愚³⁴²无所知 上道今将灭
尔时诸地神 皆出大音声
如来大法炬 于今当灭尽
诸天诸神等 后莫有所悔

³³⁹ 丽藏：反；永乐北藏及龙藏：返

³⁴⁰ 丽藏：少；永乐北藏及龙藏：小；校勘：少

³⁴¹ 丽藏：于；永乐北藏及龙藏：以；校勘：于

³⁴² 丽藏：冥；永乐北藏及龙藏：愚

而言不见闻 佛道今已灭
如来无量劫 自利亦利人
忍受诸苦恼 发愿得成佛
释师子大圣 度诸众生者
清净微妙法 今将欲灭尽
痴恶诸贼等 于今当得力
无有慈愍心 互相谤毁恼
魔使及魔民 钝根难开化
谄曲懈怠心 瞋恚坏佛法
但以³⁴³空林中 坐禅满三月
自言是罗汉 无禅况得道
不得言得道 死言入涅槃
众人信起塔 而自入地狱
如是痴空者 互共相轻恚
我于无量劫 所得今尽坏
尔时虚空神 共见释师子
妙法毁坏信³⁴⁴ 发声皆啼泣
四天王闻此 皆共怀忧恼
时与诸天神 僉皆共来下
阿罗迦槃城 夜叉神众来
僉皆大啼哭 出可畏音声

³⁴³ 丽藏：于；永乐北藏及龙藏：以

³⁴⁴ 丽藏：妙法毁坏败；永乐北藏：沙法毁坏信；龙藏：妙法毁坏信

有诸七宝城 严饰极微妙
失色皆如土 诸天不乐住
悲号大啼哭 处处皆来集
各共怀忧恼 相见不能言
宛转卧在地 发如是音声
共行阎浮提 见是大怖畏
佛子共³⁴⁵斗诤 破法³⁴⁶而分散
皆从天上来 共诣我生处
天神诸宝城 七日无光色
各共坐啼哭³⁴⁷ 满七日不起
如何大精进 勇猛世间尊
我等见住此 今当不复见
咸共诣祇洹 相对而啼哭³⁴⁸
佛此说四谛 我等此中闻
世间将盲冥 互相轻恚慢
但起诸恶业 还堕于恶道
诸天妙宫殿 可惜今将空
我等诸天神 无复救度者
尔时阎浮提 毁坏无威色
经行处树下 山窟无善人

³⁴⁵ 丽藏：共；永乐北藏及龙藏：自；校勘：共

³⁴⁶ 丽藏：法；永乐北藏及龙藏：坏；校勘：法

³⁴⁷ 丽藏：泣；永乐北藏及龙藏：哭

³⁴⁸ 丽藏：泣；永乐北藏及龙藏：哭

一切诸世间 悉皆大扰³⁴⁹动
诸天及大神 音声可怖畏
尔时忉利天 举手大悲哭
各于宫殿中 发声而呼唤³⁵⁰
诸天宫殿中 皆称说我言
永离大圣王 为我说法者
忉利天六月 不食修陀食
不听妓³⁵¹乐音 忧愁如丧子
诸阿修罗众 闻有如此事
皆共相命集 欲攻忉利天
时诸阎浮王 皆共相征罚
诸天阿修罗 亦皆共战斗
尔时诸比丘 及诸比丘尼
多堕恶道中 少有得免者
破戒诸白衣 随顺恶³⁵²比丘
以是因缘故 皆趣于恶道
诸恶优婆夷 随顺恶师故
亦复入恶道 世间皆扰³⁵³动
有入城聚落 有至山林中

³⁴⁹ 丽藏：烧；永乐北藏及龙藏：扰

³⁵⁰ 丽藏：号哭；永乐北藏及龙藏：呼唤

³⁵¹ 丽藏：伎；永乐北藏及龙藏：妓

³⁵² 丽藏：恶；永乐北藏及龙藏：诸；校勘：恶

³⁵³ 丽藏：烧；永乐北藏及龙藏：扰

东西怀忧恼 以损其寿命
尔时多恶贼 多有诸险道
种五谷不生 若生虫所食
尔时世人民 饥馑多饿死
死堕饿鬼中 久受诸苦恼
时人施佛物 塔及四方僧
辄皆共分食 我后僧如是
阿难汝等当 勉力勤精进
莫见后末世 如是众恶事
一切诸凡夫 愚痴无有智
起诸凡夫业 疾堕恶道中
汝等勤读诵 是名智慧因
若为智慧护³⁵⁴ 疾得至胜处
我学世正见 汝亦如我学
断世障碍事 疾得至胜处
勤行八圣道 当疾得涅槃
思量求自利 我所说如是
是劫过去后 六十劫无佛
尚无佛音声 况有得道者
时世诸人民 饥饿所逼切
无有孝慈心 食母食儿肉

³⁵⁴ 丽藏：故；永乐北藏及龙藏：护

时诸家生子 常护恐他食
谁闻是恶事 复起生死业
诸苦痴为本 五欲³⁵⁵贪为本
若不乐五欲 当断诸贪著
受福果报时 深生贪著心
贪著因缘故 起恶堕恶道
无漏法空寂 世间无牢固³⁵⁶
若知如是者 汝等应疾行
无心生心想 而自大惊畏
我为作不作 是事为云何
如是诸凡夫 思惟而筹量
我当云何作 如是常啼哭³⁵⁷
无阴生阴想 无我生我想
闻自相空法 如是亦迷闷
不知佛如实 所说诸阴义
闻则以为定 畏处无畏想
我说去来今 诸阴皆空寂
三世悉平等 犹若如虚空
所有过去佛 亦说自相空
未来世诸佛 亦说自相空

³⁵⁵ 丽藏：阴；永乐北藏及龙藏：欲

³⁵⁶ 丽藏：坚；永乐北藏及龙藏：固

³⁵⁷ 丽藏：泣；永乐北藏及龙藏：哭

我今出于世 亦说一切法
自性自相空 三世无有异
当来人不知 佛所说实义
贪著我众生 常堕三³⁵⁸恶道
当来世如是 大恶甚可畏
汝等勤精进 莫见是恶世

佛说此经已，长老舍利弗及诸比丘众³⁵⁹，一切世间天人大众，闻佛所说，皆大欢喜，信受佛语。

佛藏经卷第四

³⁵⁸ 丽藏：于；永乐北藏及龙藏：三

³⁵⁹ 丽藏：比丘；永乐北藏及龙藏：比丘众

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚩诃. 摩诃斫迦囉嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法
三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

十方三世一切佛。一切菩萨摩訶萨。摩訶般若波罗蜜。

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

